

فِيرِينَا صَفُوت



أبو عبدو الیغل
<https://facebook.com/groups/abush/>

لا إبيك و



الحلم للنشر والتوزيع

scanned by jamal hatmal

لامبيدوسا

رواية

فيرينا صفوت

الطبعة الأولى



دار الحلم للنشر والتوزيع

٤ شارع الأشراف - من شارع مؤسسة الزكاة - المرج - القاهرة

موبايل : ٠١١٤١٨٢٤٥٦٣

dar_el7elm@hotmail.com

المدير العام : د. إسلام فتحى

تصميم الغلاف : محمد عبد السلام

إخراج داخلي : الحلم للدعاية والإعلان

رقم الإيداع: ٢٠١٦/٢٥٦٤٣

رقم الترخيم الدولي : 3-046-798-977-978

إن دار الحلم للنشر والتوزيع، غير مسؤولة عن آراء المؤلف وأفكاره، وتعتبر الآراء الواردة في هذا الكتاب عن آراء المؤلف، ولا تعبر بالضرورة عن آراء الدار.

فيرينا صفوت

لامبيدوسا



الإهداء

إهداء لأى حاجة وحشة إنتهت..
زقتنى لحاجة تانية وكانت السبب فى
بداية جديدة

إهداء لأهلى وأصحابى

المقدمة

أحيانا نصبح ضحايا لضحايا آخرين، وبعدها يصبح أناسا آخرين ضحايا لنا
نحن الضحايا أيضا والفهم لمن يهمه الأمر..
دايرة مقفولة وبتلف بس منعرفش مين ابتدا ومين هينهي..

فتحت عيني لما الشمس غابت زى ما أكون طبطت صحيانى على غيابها كل يوم من ساعة ما طلعت على المعاش أو بمعنى اصح من ساعة ما سويت معاشى وطلعت بدرى.

مع إنى كنت بحب الشمس جدا فى شبابى دلوقت غالباً نسيت شكلها وكأنى مش عايز أشوفها..

عملت قهوتى وقعدت فى البلكونة أبص على الناس من فوق زى كل يوم.. اصلك لما تبص على الناس من فوق تحس إنك عايز تعرف حكاية كل واحد فيهم كل واحد عنده مآهة وحكاية وحياة..

- أول ما الليل جه لبست قميصى وبنطلونى ونضارتى ونزلت زى كل يوم (وكلمة كل يوم دى هتكرر كثير).

نزلت أقعد على قهوتى المفضلة على آخر الشارع بس أكثر حاجة محمسانى الايام دى (على) شاب حكايته طويلة أوى أو حكايتى أنا اللى طويلة معاه، بيحى يقعد معايا نحكى شوية اهى أى حاجة جديدة.. بيكفرنى بيا وأنا شاب..

على شاب في منتصف العشرينات.. قمحاوى وشعره خفيف ودقنه السوداء
وضحكته اللى كلها أمل
وسمعتة من جوة ببسال عليا القهوجى:

- أنا أهو يابنى

- عم آدم بردوا ماسك الشيشة والجورنال اللى كله اخبار تكتب.

- أهو بتسلى هعمل إيه يعنى

- على رأيك بس اتسلى بحاجة مبهجة مش مكئبة.

- سيبك.. إيه لسه وشك مقلوب من امبارح ليه عايل الهم وشايله فوق راسك
وزاعق ليه..

- غصب عنى يا عم آدم

- عارف الواحد بيقعد طول عمره يحارب مع أوهام مع ولا حاجه ويكتشف
بعد ما نفسه يتقطع - ده إذا إكتشفت أصلا - ليه كل ده ليه كل العقد
دى.. ليه منعشهاش ببساطة متغلطش غلطتى شلت هم كل حاجة وحملت
الغلط لكل الناس اللى حواليا حتى لو هما فعلا غلطانين.. أنا اللى شلت
الشيلة أنا اللى حياقت اتعقدت.

(أنا بقول كل الكلام ده وأنا مش باصصله كعادتى)

بيص للشروخ اللى فى حيطان القهوة وبيانها المكسرة اللى أكلها الشمس.
قاطعنى:

- عم آدم هو أنا أبقى غلس لو سألتك إيه اللى إنتا تقصده على حياتك وليه
عدت كل السنين دى ولسه متجوزتش مع إنك قولتلى إنك كنت مهندس
معمارى شاطر ومعاك فلوس وعيلة كبيرة وبيت وسافرت كمان وفى الآخر
مرجعتش بلدك جيت قعدت فى القاهرة.. إيه اللى كان ناقصك ؟

- مش لازم يبقى النقص فى اللى إنتا قولته..

- مش فاهم..

يعنى النقص كان فيا أنا.. بمعنى أدق عُقد

رد باستغراب وهو متفاجئ : إنتا معقد يا عم آدم ! إنتا ؟!
- كنت.. ويمكن ما زلت (مع ضحكة بلهاء ملهاش معنى)
- ليه؟ ده إنتا شكلك حكايتك حكاية
- عادى فى زى كثير (بلا مبالاة لا توصف)
- بس كل فولة وليها كيال زى ما بيقولوا
- بس أنا مكنش فى كيال يستحملنى
- إزاي؟
- محكيلك..

في سنة ٢٠٠٨، كنت شاب زى أى شاب بس كان ليا طباع غريبة
توية.. ولما دخلت الكلية حبيت وارتبطت من أول سنة وقعدنا
مع بعض كتير أوى برغم المشاكل.. وأهلنا كانوا عارفين وكنا
فننخطب خلاص..

(الفصل الأول)

نعتقد أن ما يعيقنا في الحياة من تقدم هو ما نفتقده أيا كان..
الفقير يعتقد أنه لا يتقدم بسبب فقره والجاهل يعتقد أنه لا يتقدم بسبب جهله..
مع أنه لو فرضنا وجود هذه العوامل..سنبحث عن شيء جديد لنفتقده وتأخر به
ونجعلنا السبب..

(إنها فقط أفكارنا المقيمة)

(١) آدم

إنها (مريم) أول فتاة في حياتي
فألحة اللون، نحيفة القوام، خفيفة الشعر و أنيقة المظهر.. المهندسة مريم
ألمة من كلمات سر حياتي.. بداية اكتشاف عقدي مش عارف اقول كانت
النسبية ولا أنا اللي ضحية.. يلا أهو كلنا ضحايا لبعض..

يوم غريب من أوله.. مزاجي مش رايق من أسبوع غالبا.. صحيت وليست
بسرعة عشان اروح الكلية.. مفيش حد في السكن واضح أن أصحابي كلهم
نزّلوا راحوا الجامعة بدرى وأنا الوحيد اللي متأخر..
ركبت تاكسي بسرعة..

كلية هندسة جامعة القاهرة بسرعة ياباشا لوسمحت
وصلت الكلية بس الناس كلها بتبصلي معرفش ليه؟ شكيت في نفسي بصيت
لهدومي عادي جدا
لابس قميص وبنطلون وجزمة وشعري معمول بالجيل إليه الغريب !! مش
فاهم

- رحاب أنتي هنا من بدرى؟

- آدم أزيك أتأخرت ليه.

- معلش راحت عليا لومه.

- ولا يهملك

- بقولك إليه مشوفتيش مريم بردوا النهاردة

- لا مجتتش.. ما إنتا عارف هي مش بتيجي من اسبوع كده.

- طب مكلمتهاش ؟ أصلها عملالي بلوك من كل حاجة من اسبوع من ساعة
ما اتخانقنا وهددتنى إن كل واحد يروح لحالوا وأنا استفزيتها وقولتها
براحتك.. شكلها لسه واخده على خاطرها.
حسيتها عايزة تقول حاجة ومش طبيعية..
- لا مكلمتهاش

- رحاب متكديش عليا إنتا صحبتها وتعرفى عنها كل حاجة.. في إيه ؟
- يعنى إنتا متعرفش أى حاجة ؟!

- مالك إنتا كمان قولى وخلصنى مش ناقصك..

- آدم.. مريم هتجيب شبكتها الخميس الجاي

- إيه.. إنتوا بتشتغلونى ولا بتتكلموا بجد

هى : آدم أنا افكرك عارف هى كتبت على الفيس بوك وكل الناس باركتلها
عشان كده افكرك عارف

- كتبت كده أمتى

- اهبارج..

ضربت على رأسى لما بدأت استوعب إن اللى هددتنى بيه بجد

- عشان كده كل الناس فى الكلية بتبصلى.. بيبصولى شفقته.. هو أنا غلبان

أوى كده كل اللى كان فى بالى إن اللى قائلته اخر مكاملة كان تهديد زى كل

مرة وهنتصالح حتى لو أنا غلطان.. طب حصل كده أمتى وإزاي ومين ؟!

ضحكت على نفسى.. ضحكت عشان أنا كنت لسه بطلب من ابويا نروح

نخطبها وكفاية كده..حتى لو أصرت على شروطها الصعبة عشان نخطبها..

- يابنى إنتا..

- نعم

- ده نصيب.. محدش عارف الخير فبن أنا مش عارفة مين فيكوا اللى يتقال

عليه غلطان بس إنتا جيت عليها كثير، أعذرها، بصتلها شوية ومتكلمتش..

- سلام يارحاب..

آدم أستاذى طيب رايح فين... أوعى تكون زعلت والله بقولك كده علشان
إننا صاحبين..

يا بنتى مفيش حاجة أنا تعبان بس شوية وهروح سلام.. ومشيت بسرعة
مشيت وأنا متماسك جدا ومنطقتش بكلمة يمكن عشان دى كانت احر
حاجه ممكن اتوقعها أو يمكن السكينة سارقانى مزعلتش من رحاب دى
ساحبة عمرى.. بس أكثر حاجة غلط ممكن يعملها حد عزيز عليك أنه
يغلطك في أكثر وقت إننا محتاجله فيه، معرفش مردتش على رحاب ليه لما
للطنتى يمكن عشان أنا فعلا غلظت كثير ومينفعش أَدافع عن نفسى هو أنا
ممكن أكون السبب فعلا!؟

موبايلى طول الطريق مبطلش رن كل ما اسمع صوته ابص فيه بسرعة يمكن
تكون (مريم) بس كل مرة بيطلع يا أما سيف يا أما رحاب..
(قمة الغباء إنك تضمن اللي في أيدك وتفوق على ضياعة وإننا بتسأل نفسك
ليه)

وصلت السكن لقيت سيف بس اللي هناك..وشى كان عادى خالص، أول ما
شافنى ساب الموبايل :

- برن عليك من بدرى أوى
- أه ما أنا كنت جاي في الطريق.. مالك في حاجة؟
- رحاب كلمتنى وكانت خايفة عليك
- ليه مفيش حاجة
- آدم.. اتكلم بلاش طريقتك دى..
- لا أنا هروح أنا ادبلى كثير أوى مشقتش أهلى
- وده من أمتى ده.. وبعدين دى آخر أيام
- وبنلم في الملازم والمخلصات هتروح فين بس دلوقت الامتحانات على الأبواب
- سيف سيبنى أمشى وشوية وهرجع كام يوم كده بس.. ماليش نفس أنكلم
- آدم.. (سكت شوية وبصلى) الدنيا مش هتقف أول ما سمعته سبت كل

حاجة فى أيدى وقعدت مكانى.. كنت محتاجة أوى مش هكذب سيف بردو
صاحبى من زمان أوى ومعرفوش هو بس لا، ده أنا اعرفه واعرف أهله
وحبيته اللى علطول بيتخانقوا واصالحهم زى ما (كان) بيعمل معانا أنا
ومريم

- بص لو مصمم تمشى خدى معاك نقعد عندكوا كام يوم ونرجع.. مش
هسيبك كده

- سيف والله أنا كويس سيني كام يوم وهجيك.. محتاج أقعد لوحدى
شوية

- طب بشرط.. لما أكلمك ترد

- يووه ياسيف

- طب حيث كده بقى يبقى أحضر الشنط

- خلاص والله حاضر

- أيوة كده سلمت عليه ونزلت عشان الحق القطر رايع بنى سويف
(بلدى).. بس بصرحة مبحهاش عشان كده أنا دايما قاعد فى القاهرة.. مش
عارف المشكلة فيا ولا فى أهلى ولا فى البلد

(٢) مريم

اوه.. ايوه يارحاب.. أنا مريم
اوه ده مريم ! أيه الرقم الغريب ده مبتصليش من رقمك ليه ؟
مباش غيرته وده رقمى الجديد بس لو سمحت متدهوش لحد وإنثاى
بارفان، ليه

ااهم.. عملتى أيه.. شوفتية ؟
اه شوفته ومكانش يعرف أى حاجة وأتصدم لما قولتله وخذ بعضه ومشى..
انا عارفاه مش بتاع كلام وميتفهمش
طب كلمتى سيف زى ما قولتلك
اه وقالى مش هيسبوا وكده.. يامريم مش خايفه تندمى او تكونى اتسرعتى
اتسرعت ! أنا أدبلى ٥ سنين بأجل القرار ده معرفش بأجله إزاي وليه؟ أو
باخده وميكملش من كام كلمة بنزل على مفيش.. بس مكسبتش أى حاجة
من التأجيل ده غير أنى بتتعب زيادة وتتعلق زيادة وينعمل زكريات زيادة
سع أنى كنت عارفه آخرها.. آخرها كان باين أوى وأنا كنت عاملة عمية
مبشوفش..

مفيش حاجة بنتتغير.. مفيش حاجة أصلا هتتغير
كل حاجة هى هى الأنانية وعدم الاهتمام والكلام اللى يوجع والردود الناشفة
وعدم المشاركة وعدم التفاهم.. حاجات كتير اووى أوى محدش يفهمها
أدم حد كويس بس مبيقاش أكثر من صاحب مينفعش يبقى حاجة تانى

أنا مش وحشة يارحاب إنتا عارفانى كويس..
أنا مبعتش هو اللى وصلنا لحارة سد هو اللى حسسنى أن كل السنين اللى
فانت دى أكلها الجراد، هو اللى مبيشلش مسئولية حاجة.. طفل: أكبر حاجة
بيفكر فيها هيخرج فين بكره مع أصحابه، وإنتا منقدرين نحسى بالامان مع
واحد مش شايف غير نفسه.. حتى لو كان بيحب..
الحب لازم يبقى معاه حاجات تانية كثير..

- طيب خطيبك عارف أى حاجة أو حكيتله ؟
- حكته قولته أن فى حد فى الكلية كان عايز يرتبط بيا بس الموضوع خالص..
بس
- آه..أصله من كام يوم بيقولى هي اختفت فى أكثر فترة كنت محتاجلها
فيها..
- الوقت ده بقاله سنتين ده غير أنه مش مدينى فرصة أصلا أبقى جنبه..
- طب إنتا هتيجى أمتى ولا هتعملى أيه
- هاجى على الامتحانات علطول ولجنتى غير اللجنة بتاعته.. همتحن وأمشى
علطول.. مش عارفه ممكن يبقى رد فعلنا أيه لو شفنا بعض
- كله هيعدى.. بس أنا موجوده فى أى وقت لو عوزتيني كلمينى.. وذاكرى
ده خلاص أخر ترم فى الكلية
- ماشى يارحاب.. ادعيلى
- كله يتحل.. سلام
- سلام

(٣) آدم

بعد قرف الموصلات والقطر وصلت أخيرا البلد وفي طريقي للبيت وقفت
كذا مرة علشان ناس بتسلم عليا واجمعوا على جملة واحدة (عاش مين
شافك).

طلعت مفاتيح البيت وقبل ما افتح كنت بشاور نفسي ارجع ثاني أو اروح
أي مكان أصلي عارف أن وجودي هنا مش هيفيد بأي حاجة غير أني أزيد
على همومي هموم

فتحت الباب ودخلت وأنا طالع على السلم سامع اختي الصغيرة بتقول
مين جه ؟ وأول ماشافتني انبهرت

آدم جيه يا بابا... وحشتني أوي وجريت عليا حضنتني.

وإنتا كمان وحشتيني يا شقية عاملة أيه في مدرستك ؟

إيه يا آدم كل سنة وإنتا طيب، أنا خلصت امتحانات من بدري وخذت
الاجازة.

- أه صح طيب ياستي كل سنة وإنتا طيبة وأنا ببص لضحكتها وسط الحوار
ده واحنا في نص السلم والمباقي واقف قدام باب الشقة.. وكان مش عايز
حوارنا يخلص واطلع..

- بصيت نفوق لقيتهم كلهم :ابويا واخواتي (إياد وفارس) والحمد لله أن
اختي الكبيرة (نجلاء) مش هنا هي كمان عيالها بيصدعوني..نجلاء تعتبر هي
اللي ربتني بس أنا مكنتش مزعج أوي زي عيالها..

- سلمت عليهم كلهم وعلي أبويا ببرود مني وبوحشة منه وأخواتي بوحشة

مني ومنهم.

- حمد لله على سلامتک يا بني يعنى مقولتش أنك جاي.

- لا عادي جت كده مكنتش مرتبلها.

- طب أدخل حظك حلو أمك بتعمل الأكل.

- أم مين؟! (بعصبية)

وبدءوا أخواتي يبصوا لبعض ولقيت الجو هيتكهرب قولته:

- قصدك مين يعني (بهدوء).

- مراتي يا آدم (نعمه).

- أه قول كده قول مراتك أنا قولت مين أمي و بصراحة العكنة جت بدري

أوي عن الوقت اللي متوقعه.

- كان نفسي أقوله كلام كتير أوي لما قال (أمك) بس الكلام معادش ليه لازمة.

- كل ما أفكر إن دي نالت واحدة مكان أمي ببقى قرفان ببقى حاسس إني

مش طابق حد حواليا يمكن اللي قبل (نعمة) دي.. كنت مستحملهم علشان

واحدة فعلا كانت طيبة وحنينة زي أمي وربتي وأنا طفل وأهتمت بيا

ومنها إخواني الاثنين الصغرين (فارس وريم) والثانية قضتها زعل وعند بيت

أبوها لغاية ما ماتت.. بس مبقتش قادر أتحمل فكرة إن كل واحدة ليها

بديل أول ما تموت في غيرها حتي قبل ما تكمل الأربعين.. وكل دة مكان

أمي الأولي و الأخرة.. بنسبالي

- عارف أن كل واحد من أخواتي حاسس بنفس المرارة بس فيهم اللي لسة

مش قادر يتكلم وفيهم اللي مش فاهم وفيهم اللي هيفهم لما يلاقي نفسه

كل يوم بيفتقد إحساس مهم أو بيفتقد جزء من مشاعره لغاية ما كلها تحف

زيي كده.

- الموت وحش أوي مش قادر أستوعبه.. أو بخاف أستوعبه.. الموت فكرته

مش مفهومه.. ومش عايز افهمه

انصرفت أنى تعبان من السفر وأنى هدخل أنام وصحيت على رنة الموبايل
 بصيت فيه بسرعة زى الأهبل أحسن تكون هى.. سيف
 بهاس وسخرية منى : أيوه ياسيف
 أيه يابنى فينك
 أبدا جيت نمت علطول
 ليه كده مش تقعد معاهم شوية ادليك كتير أوى مشفتهمش
 بابنى أشوف مين بس.. هنا لا توجد أى عاطفة سلمت على أخواتى ونمت
 فى حاجة حصلت ولا أيه
 العادى.. ابويا قعد يقولى أمك ومراى والكلام اللى إنتا عارفه ده وأنا كل
 ما أسمع الكلمة دى ببقى عايز اقوم اكسر أى حاجه قدامى يمكن افرغ النار
 اللى جوايا
 ادم لازم تتقبل الأمر الواقع.. ده فى الآخر أبوك.
 من الواضح أنى لأزم أتقبل حاجات كتير أوى غصب عنى.. أظاهر كل إلى
 محتاجهم بيمشوا بدرى بدرى يا صاحبى
 بص عارف أن ممكن الكلام اللى هقوله تبقى عارفه بس واجب عليا
 الهوك وأقولك أن إنتا كنت غبى لما فكرت أن مريم هستحملك إلى الأبد..
 هى تعبت معاك أوى وأنا قولتلك خلى بالك كل واحد ليه طاقة وإنتا كنت
 بنقولى أنا كده مش هتغير
 الوجد بيبغير..
 - بس من أول اعترفتلها بحبك يا آدم وائت بقيت كده وكل يوم للأسوء إنتا
 بتزود وجعك يا صاحبى وأنا خايف عليك
 · متخافش.. أنا أصلا ماليش عزيز اللى خلف مامتش وأنا من كتر اللى شوفته
 فى البيت ده اتعديت باين.. أبويا مصاناش وأنا مصنتش.. دور تلاقى العُقد
 - إنتا مش وحش يا صاحبى أنا عارفك أكثر منك
 - مش هتفرق.. أنا هبقى أكلمك تانى

- ماشى براحتك.. سلام

- سلام

مكالمته طيرت من عينى النوم.. قومت ولبست علطول وخرجت.. خرجت هروب من أى حاجة.. هى دى طريقي فى حل أى مشكلة (بهرب) إزاي بقى مغلبش وأنا فى الشارع رايح أعدى على حد من صحابى اللى هنا أعرفهم أنى جيت.. موبايلى الممل رن وأنا فى الشارع: نجلاء بترن أختى الكبيرة.. رديت بعد تفكير

- ألو..

- أيوة يا آدم

- نجلاء أزيك

- أزيك إنتا ياكلب كده تبقى فى البلد وجاى ومتقوليش ولا حتى تعدى على أختك

- (بزفرة): يابنتى أنا لسه جاى أدونى فرصة

- طب أنا هجيبك

- يووه أنتى فاضية ولا أيه ما قولت أدونى فرصة صمت مسمتعش غير تنهيد.. وقتها حسيت أنى غلطت وأنى غبى أوى حبيت أحسن الموقف : هجيبك أنا والله النهاردة حتى وتروحي معايا

- ماشى مستنياك

- ماشى سلام.. سلام

استفزيت أوى من من ردى وغبائى.. اتخنقت أكثر لقيت نفسى بتصل بسيف وبفكر فى ميت حاجة وأول ما رد قولتله كلام غريب أوى أنا نفسى أنفاجئت

(٤) عم آدم

انا نكلم واحمد مركز أوى قاطعنا صبي القهوة وهو يسألنا..
الإمرؤا بحاجة يابشوات ولا أزود الحجر بس
لا هات أثنين شاي
اعتت أمرك يابيه

أمل بس قبل ما تكمل.. كل اللخبطة اللي حصلت جواك دي بسبب
مونسوع مريم ومفاجأته.
مفيش حاجة بتبقى مفاجأة
(الحل حدث مقدماته ولكل فعل أسبابه)

ال حاجة كانت بتحذرنى كل حاجة كانت بتقولى مضيعهاش من أيديك بس
انا كنت أعمى واللخبطة اللي كانت دي كلها تخزين.. عارف لما تبقى مخزن
تتير أوى بس ساكت أو فى حاجة مصبرك.أو بتقول لنفسك فى أمل أمى
خذت معاها كل حاجة حلوة، وأبويا وئد فى جفا غريب واللى عملته مريم
خدت الأمل اللي كان باقى.. أنا كنت بدور على أى سكة جديدة.. أى حاجة
أى أمل جديد.. الأمل عمره ما بيتقطع مهما كانت ظروفك عاملة إزاي وأنا
كنت بحاول مطلعش الروح قبل ما الاقى الأمل ده..

طب كمل عملت إيه ؟

- هقولك..

الفصل الثانی

«أحياناً نسعى لنضع أول خطواتنا على طريق شقائنا»

(١) آدم

ابوة ياسيف

إيه يابنى الطيطة دى

أصلى فى الشارع

إنتا لحقت خرجت

سيبك عايز أقولك حاجة

قول..

أنا عايز أمشى

تمشى تروح فىن يابنى إنتا مش لسه راجع النهارده

لا أمشى بره البلد خالص.. عايز أسافر

تسافر فىن يا آدم وإزاي (وهو مخضوض ومستغرب)

أسافر بعد الإمتحانات ما هو ده آخر ترم مقعد ليه

- أيوة أصلا هتسافر فىن ؟

- ايطاليا أو أى حته !..

- إنتا فاكّر الموضوع بسهولة كده وأصلا تسافر ليه

- لا عارف أن الموضوع صعب بس هحاول أنا عندى واحد صاحبنى فى

ايطاليا بقاله سنين هخليه بيعتلى كارت زيارة ولا كارت فرح واكسر الفيذا

هناك.

- حتى الموضوع ده صعب.. يابنى السفارات دى بقت صعبة جدا.. مش

بقفلها فى وشك بس دى الحقيقة

(سكت شوية مش عارف اقوله اللى جاى فى بالى ولا اخبى)

- لو قفلت أوى همشى غير شرعى من البحر
- سيف : إنتا اتجننت ولا أيه يا آدم ؟!!! إنتا مبتسمعش عن الحوادث دى
- واللى بيحصل دول ناس جهلة وناس مش لاقين عيشهم هنا ولا هارين ولا
- أى حاجة انما إنتا مش مجبر تعرض نفسك للخطر ده وتعب سنين ده إذا
- وصلت بالسلامة أو مترحلتش تانى إنتا لا محتاج فلوس ولا أى حاجة وتقدر
- تعيش هنا أحسن عيشة
- هقعد اعمل إيه وليه أصلا
- طب وأهلك وأصحابك وأنا يا صاحبي
- إنتا عارف إن إنتا اللى باقىلى يا صاحبي متصعبهاش عليا أنا مقولتتش غير
- ليك وبعدين سيبها لله أخلص ونشوف
- هتندم يا صاحبي..
- هجرب.. ادعيلى ياسيف
- أكيد

_ كام يوم قضتهم فى بلدى أما بين مشادات مع أبويا وخنقة وزيادة الهم
همين، ماقدرتش استحمل كام يوم ورجعت على القاهرة بحجة الامتحانات..
القعدة هناك أرحم بكثير.. اتشغلت بالامتحانات شوية أو عملت نفسى
مشغول ومشوفتهاش تانى حتى ساعة الامتحانات..
كل الفترة دى وأنا بفكر فى موضوع السفر ومش ناسيه.. كلمت صاحبي بتاع
ايطاليا أنهم منه قال نفس الكلام اللى قالهولى سيف: إن الموضوع هياخذ
وقت جدا ومحدش ضامن وأن الموضوع بقى صعب أوى..
حسيت من كلام (اشرف) إنه بيفقدى الامل فى الموضوع ده.. بس مينفعش
خلصت امتحاناتى وكلمته تانى وقالى نفس الكلام أن الموضوع بقى مع العرب
والمصريين صعب أوى..

بس أقترح عليا اللي كان في بالي (الهجرة غير الشرعية) وقالى أنها انتشرت أوى
وأنها سريعة بس تبقى مع حد مضمون ودلنى على اسم حد وقالى مسألك
الناس اللي اتعاملت معاه وهجلك رقمه..

في الفترة دي روحت امهد الموضوع لأهلى وطبعاً مقولتتش على أى حاجة غير
إن صاحبي ده هيعتلى كارت زيارة وهكسر فيزا..كنت خايف أى حاجة
تمنعني..مكنتش متخيل إن ابويا هيتأثر أو هيفرق معاه كده.. بس كان الحل
الوحيد إني أبعد..أبعد أوى..

الرقم وصلنى لواحد اسمه (على العرب) «سمسار تهريب مشهور»
وفهمنى إن الناس اللي راحت مع الراجل ده قبل كده خد منها في حدود ١٥
الف.. وأن كده السعر ده نادر جدا .. معظمهم بيطلب كثير.

-الو-

-سلامو عليكوا.. مين

-معاك زبون.. اسمي آدم عزيز

-عندك كام سنة وعاييز تروح فين

-عندى ٢٣ سنه وعاييز اروح ايطاليا

-طيب يااستاذ مش هينفع الكلام هنا إنتا منين

-أنا من بنى سويف

-حلو قابلنى في القاهرة أنا موجود هناك لمدة يومين كده

-طب أمتى وفين..

-قابلنى بعد بكره.. واتصل بيا يومها الصبح نتفق على المعاد والمكان

-ماشى يا حج

قلت لبابا إني هروح استلم الشهادة وأجهز ورق وحاجات كثير وسافرت
وأتصلت بسيف يبقى معايا بس مكنتش عارف الفلوس دي هجيها متين..
وصلت اليوم المتفق عليه الصبح وقعدنا نتكلم أنا وسيف :

-أفهم.. السفر هو الأمل الوحيد ليا دلوقت أني أبدأ حياة نظيفة وأهرب من
أى حاجة.. أنا تعبان ياسيف

-يابنى انتي بتودي روحك للهلاك برجليك وبعدين هتجبله متين ده ١٥ ألف
وهتقول لأبوك بتوع أيه دول
-مش هاخذهم من أبويا طبعاً
-أومال إيه..

-كان في فلوس سايبهالي أُمى في دفتر توفير بس أنا بصراحة الفلوس دي
كانت غالية عليا أوى مصرفتش منهم ولا مليم هما يجوا ٥٠ ألف هاخذ ١٥
ألف واسيب الباقي
-طيب.. مش عارف أقولك إيه
-متقولش.. استنى اكلمه

طلعت موبايلى وكلمته.. رد بعد كثير
-ايوه يا حجاج احمد أنا آدم اللي كلمتك أول أمبارح
-ايوه فاكرك تتقابل الساعة ٦ المغرب كده في أول الحسينى..ينفع معاك ؟
- ممم ماشى
- بس إنتا اللي عازم.
-(ضحكت ضحكة صفرا) ماشى

وصلنا وبعد معاناه عشان اعرفه من بين كل الناس دي مع إن شكله مميز
جدا لايق على شغلانته..اتقابلنا وكان معايا سيف اللي باين عليه التوتر من
ساعة ما شوفته

-اهلا وسهلا يا حجاج

اهلا وسهلا يابشوات.. أيوة أفضل

-لا إزاي تشرب إيه في الأول

واحد معسل لمؤاخذه

-نادي على حد يجي ياخذ طلباتنا ياسيف الصراحة كنت عايز كام ثانية
اتأمل في مظهره الغريب ولغته وشكله ووشه اللى مليون تجاعيد وخطوط
كل خط فيهم بيحكى قصص وحكايات وقمصيه المشجر اللى كرشه مبوط
شكله أكثر وقصره وقرعته.

-خش في الموضوع يابيه.. أولا إنتا قولتلى خريج إيه ولا دبلون يا باشا
لمؤاخذه.

-لا أنا خريج هندسة وعندى ٢٣ سنه

-مش هستغرب يمكن إنتا خريج أنا عدت عليا ناس في طب وهندسة
وسابوا دراستهم وسافروا.. أكل العيش بقى

-امممم..قولى إيه الاجراءات

-هاخذ ٢٠ الف ومفيش إجراءات أنا اللى هعمل كل حاجة بس لازم تبقى
عارف النظام لمؤاخذا

-إيه ؟

-اولا عايز تمشى من إسكندرية ولا دمياط ولا مرسى مطروح ولا ليبيا

-لأ ليبيا إيه ياعم هي ناقصة

-إسكندرية

-طيب أولا مش هيبقى معاك غير شنطة زهر صغيرة مفيهاش غير غيار
واى أكل يسند لغاية ما توصل

ثانيا هتيجي إسكندرية هتقعد شوية معانا لغاية ما كل المجموعة تتلم
(وشوية دى) ممكن تمتد لكذا يوم

ثالثا المسافة قد ١٧ ساعة أو أكثر

ورابعا بقى إنتا بتعرف تعوم ؟

بقلق واضح جدا على سيف أول ماسمع السؤال ده ..

- ليه السؤال ده ؟

-لأى ظرف طارئ يا باشا مالك متعصب علينا ليه من ساعة ما قعدت كده
-طب إزاي هسافر مكان وأنا مش معايا شتطى امال هروح هناك اعمل إيه
-ربنا يكرم يابيه دى الشروط المعروفة أنا مقلتش حاجة غريبة ده لسلامتكم
المركب هتشيل إيه ولا إيه

-طب أنا مادتش الخدمة العسكرية فيها حاجة(ضحك وبانت أسنانه المكسرة
الصفراء التى اتهرت من النيكوتين)

-إيه يابشمهندس هى دى الحاجة الوحيدة اللى غير قانونية يعنى ؟!

- (استعبطت نفسى أوى بعد السؤال ده) ماشى طب امتى بقى

-فى طلعة بعد اسبوعين كده

- علطول كده ؟!

-آه يابيه علطول كل أسبوع ولا أسبوعين فى رحلة من مكان يا باشا، الهاجين
على قفا مين يشيل

-ماشى هتصل ببيك اعرف المكان.. وعلى فكرة أنا بعرف اعوم

-ربنا ما يحوجك يا باشا وتمشى الأمور سهله انشاء الله.

ملاحظ إننا من ساعة ماسبنا الراجل وسيف مخنوق ووشه متغير وفضل
ساكت ومرة واحده بنزفه :

- إيه يا آدم إنتا مقتنع ؟! مش للدرجادى ده كلامه كله بيقولك إن الموضوع
خطر فى خطر.

-يابنى متقولش عليا بقى متقلقش ربنا بياخذ الكويسين بس.. فأنا قاعد
على قلبوكوا.

-طب إنتا إزاي هتسافر من غير ما تأخذ شهادة تخرجك من الكلية وهتمشى
من غير شتط لأبوك إيه

-بص أولا الشهادة لو مطلعتش فى خلال اليومين دول هجيب وسطة حد

معرفة تستلمها إنتا والشنط هاخذها عادى من البيت وهشيلها في أى مكان
عند أى حد معرفة يعنى
-طب أبقي هاتها السكن عندى
-إيه ده إنتا مش آخر الشهر هتسيب السكن
-لأ ما أنا مش هلاقى شغل في البلد وفي كذا شركة هنا.. هقدم وهشتغل هنا
ومكمل في السكن.. وربنا يكرم.
-هيكرم يا صاحبي.. عشان نفرح بيك بقى ياد نفسى أفرح
-قريب أشتغل بس.. عبقالك يا صاحبي
(عقبالك) دى بتخلينى تلقانى اتخيل شكلى عريس ومريم بالفستان الأبيض..
سكت وابتسمت ابتسامة تحكى عن وجعى كله
-مالك يا صاحبي
-تايه.. خايف.. حاسس إني مش موجود
-زى ما بيقولوا.. دايما كل نهاية بيبقى في بعدها بداية جديدة.. بداية
حلوة ..
دايما كل مشكلة وحزن.. بيخليك تكتشف حاجة في نفسك إنتا مش عارفها.
تفائل.. بكره تبدأ احلى بس قول يارب.
-رفعت وشى في السماء وقولت بس (يارب)

(٢) مريم

- كل اللي يعرفونا وسمعوا الخبر قالوا أنى قليلة الأصل وبعث.. معلىش هو ده
إلى باين

- يمكن كل حاجة كانت غلط من البداية.. احنا بنصدق الحاجات اللي نفسنا
نصدقها حتى لو هى مش موجوده.. أنا صدقت إني هغيره وانه هيسعدنى
واننا مسيرنا نتجمع فى بيت واحد وربنا هيهديه مع إن كل اللي كان بيعمله
مكانش بيقول كده.. هو ده الغباء.. هو ده العمى

- أصل غباء البنى آدمين مش نقص فى تفكيرهم ولا عيب فى عقلهم.. غباءهم
فى طريقة حلهم للمشاكل.. فى عُقدتهم اللي مبتخلصش.. فى استقبالهم لكل
حاجة، فى إدراكهم لكل حاجة متأخر فى تخديرهم وغيابهم عن الحياة اللي
بجد.

- أوحش مرحلة ممكن تعدى بيها بعد ما كل واحد يروح لحالة إنك تقعد
مع نفسك وتفتكر إنتا إزاي كنت طاير من الفرحة أول العلاقة وانت حاسس
إن أمل العالم كله وأحلامه وسعادته فيك، وآخر العلاقة بيبقى إزاي يأس
العالم كله فيك..

من سابغ سما لسابغ أرض.. بتسف التراب
- بخل المشاعر والأناثية تبوظ أى علاقة فى الكون
- بس أكبر مشكلة أو أحسن مشكلة.. إن بعد ما تنتهى العلاقة دى وحد تانى
يستلثاك.. هو ده اللي حصل معايا.

- لقيت نفسى مرة واحدة بتخطب.. آه صالونات بس لقيت فيه حاجات كثير أوى كنت مفتقداها زمان لقيت كل الحاجات اللى كانت نقصانى زى ما يكون ربنا بيقولى أنا معوضك حنية واهتمام وتقدير وحب ودى أكثر حاجات البنات بتبقى محتاجاها

- ليس من المحبط ابدا أن ترجع إلى نقطة الصفر لكى تبدأ من جديد مهما فات من الوقت وانت فى طريق خطأ.. المحبط إن تكمل وانت تدرك تماما إنه طريق بلا جدوى.

- نهايتى مع آدم كانت أكبر- نقطة صفر فى حياتى بس دايمها النهاية بيبقى بعدها بداية..

- اضطريت اعمله بلوك من كل حاجة (فيسبوك - تويتر - والرقم).. بس عشان اعرف أنهى صفحة وأبدأ صفحة تانية

- اكتشفت إن جزء من الحمق تمارسه عندما ننهى علاقة ونبدأ بمراقبة من كان حبيبا ونظمئ ونسأل ونتأمل الصور من حين إلى اخر ولكن هكذا قد نهينا العلاقة بالفعل ولا نأخذ أى شئ غير الوقوف فى مكاننا ثابتين لا نتقدم ولا نتحرك.. محلك سر.. و فقط ما يتقدم هو الوجدع واليأس.

- إنك تمسح كل حاجة تربطك بيه مش عداوة ولا قلة احترام.. ده قرار فقط اتخذ القرار واعطى لنفسك فرصة

- فرصة أن تنسى وفرصة أن تعيش

- الذكريات ميموتتش ولا بتتنسى

بس الذكريات الوحشة بتبقى وحشة بس لما تفضل عايش جواها وعايشة جواك

بتبقى وحشة بس لو فضلت واقف مكانك من ساعتها.

- بعدها بفترة جيت الشبكة فعلا وأنا اللى طلبت الفترة دى مكنتش عايزة اظلمه معايا..

- واتخطبت واتجوزت بسرعة معرفش ليه..(ونسيت).. الكلمة دى كانت

حروفها خیال علمی بنسبالی..

- متسمعش لحد بيقولك اعمال كذا واعمل كذا عشان تنسى.. فقط خد قرار..
خد قرار إنك تعيش صح.. وادی لنفسك وقت، أصل دی حاجة ملناش يد
فيها ده قلب والقلب مبيتنصحش.

(٣) آدم

كنت حاسس حاجات متناقضة جدا لا طابق اللي أنا فيه، وحاسس إنه ممكن يوحشنى..كنت بودع الناس ببرود معرفش جيته منين - قولتلهم إني هروح القاهرة بدرى كذا يوم عشان اضبط ورق وشوية حاجات بعد كده اسافر، واني مش عايز حد معايا بحجة إني مبحش اللحظات دي وفي اخر ليله حصل مناقشة بيني وبين أبويا اللي كنت دائما بهرب منها : - نفسى اعرف ناقصك إيه عشان تسافر برا وبسرعة كده رتبت كل حاجة وكأنتك مش طايقنا.

- بابا الكلام ده مالوش أى لازمة دلوقت

-نفسى اعرفلك سبب مقنع (ده إنتا ابن الغالية)

-ياريت متجيش السيره دي عشان مندبيقش بعض (وابتديت اتوتر وأهز رجلى)

- مالك ؟ فيك أيه

- ياااهه مالى ؟! لسه بتسأل مالى أنا أصلا (مالى؟) من وأنا عيل، من ساعة ما اتحرمت من أمى.. كلنا بنخاف يابابا

.. آه كلنا بنخاف دي حقيقة يؤسفنى اقولها لك بصرف النظر عن اعمارنا وعن شخصياتنا.. ومهما عملنا نفسنا مش خايفين ومبيفرقش معانا حاجة، بنخاف من حاجات كتير أوى .:

بنخاف نتوقع اللي هيحصل ونخاف نتفائل أحسن نتصدم، بنخاف نياس وتكون هانت وفاضل تكة واحنا استعجلنا، بنخاف نفشل وبنخاف نتجح

عشان اختياراتنا بعد النجاح ده، بنخاف نواجه لنتهز ونبان ضعاف، بنخاف نسيب أحسن نندم، ونخاف نقضل فنضيع وقت، بنخاف نختر أحسن اختيارنا يطلع غلط وبنخاف نقرر أحسن نتسرع، بنخاف نجرب وبنخاف نغلط بنخاف نتجنن عشان منظرنا وبنخاف نعقل فنضيع احلى ايام عمرنا، بنخاف نحب لنتوجع ونخاف منحيش لنضيع حد ميتعوضش بنخاف من بكره ومن امبارح وبنخاف من الذكري لا توجعنا، وبنخاف نفرح، بنخاف من الواقع وبنخاف نحلم ونلاقي نفسنا عايشين فى وهم مش هيحصل، بنخاف نتعلق بزيادة وبنخاف من الموت، بنخاف من الوقت.. احنا أصلا بنخاف من خوفنا وكل خوف بيوجع أكثر من اللى قبله.. شوف بقى مالى.. وأنا بواجه كل ده لوحدى حتى من غير امى.. الموت ارحم بكثير

أنا همشى، همشى عشان كفاية وجع.. هدور على حياة جديدة.. بعيد عنك، بعيد عن حد كل اللى بيعمله إنه بيفكرنى إنى امى ماتت، بجوازه كل شوية ويحيب عيال يعيشتهم نفس المأساه.. كفاية مش عايز ابص ورايا الاقبنى قضيت حياتى كلها خوف (عجّزت) ولسه خايف.. طب وبعدين !؟
سيبنى أدور على حياتى بنفسى.. متزعلش منى.. بس أنا تعبان.

حسيت إنى كلامى كانى قاسى أوى ف اليوم ده وانى وجعته، مكنش وقته.. كنت ماشى، مكنش لازم اعمل كده.. حسيت من اليوم ده إنه حاسس بالذنب بجد.. وسكوته قلبنى أكثر تانى يوم سحبت الفلوس وسلمت على أهلى، وأبويا عرف أنى سحبت الفلوس اللى مكنتش راضى اسحبها ابدا.. وفهم إنى مش عايز اخذ منه فلوس

كل اللى قالهولى.. خلى بالك من نفسك

وطمنا وافتكرنا.. إنتا راجل يا آدم

- مشيت ومبصتتش ورايا.. كان كل اللى أنا حاسس بيه إنى خايف.. خايف

من مجهول

(الفصل الثالث)

ليت جميع اختيارتنا صحيحة.. ليت كل توقعاتنا اصح
ليت كل معارفنا نظيفة.. ليتنا نستطيع محبة من يحبنا
ونستطيع أن نحبب فينا من نحب
ليتنا نختار دراستنا وعملنا.. ليتنا.. ما فائدة الأمنيات !!
أصلا ما فائدة كل هذا الكلام إذا كان بيننا وبينه واقع لا مفر منه..
لا حل غير أن نبسعد ونرضى حتى إن كنا غير ذلك

(١) آدم

- سافرت لسيف القاهرة عشان أشيل عنده الشنط زي ما اتفقنا واودعه وأنا مش عارف هشوفه تاني ولا لأ هرجع تاني ولا لأ.. هوصل أساسا ولا..
- اشتريت شنطة ظهر صغيرة زي ما قال الراجل السمسار ده اللي شكله سوابق وهيودينا في داهية.. ومش عارف إزاي هروح من غير أى حاجة هعمل إيه لما أوصل لو صاحبي ده مساعدنيش.. هيقول لأهلى إيه لو مت أو إترحلت وموصلتش..
- شلت في الشنطة تيشرت وبنظنون وشاحن الموبايل.. وكتاب.. رواية كنت بحبها.. سيف طبعا معدها ليش:
- يابنى سايب الأكل والمياه وبتحطلى كتاب.. ارحمنى
 - ضربت على رأسى (إزاي نسيت الأكل والمياه) هو قال ازازة مياه واى حاجه تسند من الأكل
 - عشان هتفضل حمار طول عمرك.. كان زمانك ميت من الجوع.. مش عارف هتعمل إيه من غيرى
 - آه والله مش عارف هعمل إيه من غيرك..
- يالهورى الساعة ٦ ياسيف لازم أنزل عشان لازم أبقى هناك قبل ١٢.
- طب هتروح إزاي
 - عادى هروح المحطة أى قطر جاى هركب هعمل إيه يعنى وهناك هتصل بيه أشوف المكان فين بالضبط

- طب خلاص ما تخليك شوية
- معلش يا صاحبي إنتا عارف الزحمة
- خلى بالك من نفسك يا آدم..
- خلى بالك من الشنط ها.. و متلبس حاجة منهم سامع.. هعرف يلا
« ضحكنا ضحكة بعدها دموع » سينه بالعافية عشان متأخرش.. مش عارف
البلد دى هتوحشنى ولا هفضل كده
روحت لقيت القطر على المحطة رايح إسكندرية بس زحمة.. بصراحه
مكنش فيا حيل إني استنى ثانية.. مالمهم عامة الشعب.. ما احنا منهم بردو
بصرف النظر عن كمية الروائح اللى داخله في بعضها في الحر ده واكيد
مفيهومش ولا ريحة حلوة وبغض النظر عن أن القطر ده ياما تشوف
وتسمع فيه بس اتبسطت إني ركبته.. كنت عايز أودع كل حاجة

لما قربت على إسكندرية كلمته أول مره كان غير متاح.. وشى حمر وقلقت
رنيت تانى :

نفس البنت السئيلة بتاعت (الرقم المطلوب مغلق أو غير متاح)
بتقولها بكل بساطة متعرفش إن في ايديها مستقبل ناس.. الله يحرقك
واخيرا رد عليا بعد شوية

- « الو أيوه يا حج احمد »
- آه البشمهندس آدم
- ايوة يا حج أنا داخل إسكندرية اجيلك فين..

وصلت إسكندرية بجمالها وريحتها المميزة وخرجت من المحطة وكل ما
أوقف تاكسى أقوله أبو قير وأوريله الورقة اللى فيها العنوان اللى ملاهونى
السمسار.. يرفض، واجمعوا إنه في آخر الدنيا ودى حته مقطوعة وعرفت

بعد كده إن التاكسيات بتخاف تروح هناك أحسن أكون حرامى واثبتهم هناك.. هو أنا شكلى يدى حرامى؟!

واخيرا حد رضى يروح بسعر مضاعف لان الساعة ١١ باليل والمشوار خطر والمضطر يركب الصعب..

نزلت من التاكسي ملققتش أى حاجة غير زراعة و أوضه كده صغيره على جنب وكام مركب صيد على الشط متأكل والدنيا ضلمة مفيش حد.. فهمت ليه التاكسيات خايفة دى مفيهاش صريخ ابن يومين ده أنا لو قتلت الحج احمد هنا محدش هيجس..بس الزراعة والضلمة والهدوء.. مخيف أوى فى الحتة دى.. وأنا لسه بدرك الموقف وبدور على حد موجود لقيت واحد بنفس الصوت بتاع المحششين بتاع السمسار..

يا بشمهندس (بكسر الميم والدال) كنت اتمنى إني ابقى واخذ اعدادية ولا أسمع الكلمة دى..

بس بصراحة لو كان اتأخر شوية كان البنطلون اتبل.. بس احنا رجالة أوى

- إيه المكان ده اخر الدنيا ومهجور كده
- امال عايزنى اسفركوا من ميامى ولا أيه ؟ هو إنتا طالع رحله
- طب هنتحرك أمتى
- أنا قايلك اننا هنقعد شوية
- بس ليه بقى
- ياباشا ما إنتا مش مسافر لوحديك فى ناس جوه وناس جايه وناس هتوصل بكره ولو اتسهلت والجماعة السوريين جم فى معادهم هنتحرك بكره باليل
- ولسه هتكلم راح مقاطعنى
- بس قبل أى حاجة اعد قلوبى كاملة
- طب واحنا واقفين كده ؟
- تعالى نقعد هناك جنب (التخزين)أو الأوضة اللى فيها الباقي عشان

متسألنيش..

- ابوة قول بقى ياباشا كنت هتقول إيه هنقعده فين

- في الأوضة اللي ورانا دي لمواخذة

- طب ومقولتش ليه عشان اعمل حسابي في الأكل

- الأكل هنا علينا وعلى المركب مع نفسك

- ماشي

- أدخل بقى في ناس جوه كثير

شلت الشنطة على ضهري وفتحت باب الأوضة.. واذا هي المفاجأة..

أكثر من ٥٠ واحد في الأوضة اللي كام متر في كام متر، ومفيهاش غير شباك..وأنا

بلف بعيني عليهم عشان أول ما دخلت كلهم بصوا على الباب لقيت فيهم

الشاب والمراهق الصغير والشايب والمصرى والصومالي والسورى وعرفت بعد

كده إن فيهم ليبيين وان دول مجرد جزء من الناس المسافرة.. وفي جزء كبير

جدا موصلش لسه..

طلعت مصر كلها تعبانة وزهقانة واللى جنب مصر كمان ..

بصراحة كنت بدور على أى حته متر في متر انام فيها من التعب

و مش هقدر أقعد من دلوقت.. هتخنق

أنا : إيه يا حج كل ده؟ هقعده فين أنا

- ما تشوف أى حته تتلقح فيها يا جده ده يوم.. ده إنتا لسه جاي، في ناس

جاية من يومين.

- امممم طيب

سبته وطلعت برا أقعد في الهواء.. لقيته جاي ورايا وبيقولى بص خليك شوية

بس مش هينفع تطول هنا أحسن حد يشوفك..

وساعتها هتبقى سين وجيم وتودينا في داهية كلنا لأن اكيد في حاجة سرية

لان دي حته مهجورة.

بصتله ومكنش عندي رد.. سكت

أنا اللي كنت موافق ومرحب بكل حاجة.. يلا هانت.
دخلت جوة شوية.. هحاول أنام.. بس مش متخيل هنام هنا إزاي
عدت الليلة.. زي ماعدت بقي وكل ساعة حد جديد يجي ويدخل والغريبة
إنهم يبلاقوا مكان مش عارف إزاي..
اليوم ده مكانش عندي استعداد اتعرف على أي حد.. بس أنا جعان أوي
والاكل اللي في الشنطة للطريق والمياه خلصت.. صبري نفذ
قعدت ابص حواليا اشوف الوشوش لقيت جمبي قاعد شاب أو طفل مش
قادر احدد

- ياباشا هو مفيش أكل ولا مياه؟
- الاكل ممكن يتوزع بعد ساعة ساعتين عشان هي وجبة واحدة والمياه
في زير برا الاوضة من ورا كده.
- أكل أيه طيب؟
- أنا اديلي ٣ أيام بيدونا غلبة تونة ورغيف.. احمد ربنا أنك جيت
امبارح بالليل بس.. حظك حلو.
- أنا كده حظي حلو!؟
- ياباشا إنتا مشفتش حاجة وبعدين ده حتي ممكن نمشي النهاردة بالليل لو
العدد كامل.
- هو كل ده والعدد مكملش!!
- لا لسه الاوضه دي ممكن تكون كملت بس في أوضة تانية بعدينا بشوية
بالخشب بردو..
- طب واحنا المركب بتاعتنا هتيجي امتي؟
- لا هي مش هتيجي احنا اللي هنروح المينا بتاعة إسكندرية هنمشي منها
وفي مراكب زي اللي برا.
- أيه!؟ هي مش دي خرده أو حاجة كده مركونة بايظة يعني دي أصلا
بتاعة صيد ومتاكلة ومهلوكه دي متستحملش فردين حتي..

- هي ماشية كده ياباشا بس أدعي توصل بالسلامة

- هو إنتا عارف كل ده متين.

- أخويا مشي بنفس الطريقة بس مرة اترحل ومرة دخل , وابن عمي غرق وهو رايع اليونان.. مش بقول علينا أنا بحكيلك يعني..

- ادركت أي مش لازم أكمل كلام وأني الاحسن معرفش ولا افهم, فبصيت بردوا بس بقلق وسكت..

- بس أغرب حاجة شوفتها.. نظرت عنيه اللي كلها لا مبالاه بحياته وهو عارف أن ابن عمه مات في طريقه وفي نفس الوقت نظرته كلها أمل وهو بيرد على قلقي ببسمة وبيقولي متخافش أو متفكرش.. متبصش لبيكره المرادى دي بص لبعده بكره.. يأما وصلنا وفي بداية العيشة العز , يأما في البحر وفي نهاية العيشة اللي ملهاش لازمة وفي الحالتين حاجة كويسة.. ربك كريم.

- اليوم فقط أدركت أن الخبرة ليست بالاعوام, لكن بالتجارب فمن الاكيد أن أصافح طفلا من سوريا أكثر خبرة ونضوجا مني فالأيام أرتته الكثير.. ومن المحتمل أن أتناقش مع طفلا من نفس بلدي ويشرح لي الكثير من الخطر الذي سنواجهه سويا ولكنه لا يبالي بأي موت.. فكما كتبوا في الصحافة من قبل (أنها رحلة الموت بحثا عن الحياة) بالفعل فكلنا هنا موتي يعتقدون أنهم ذاهبون إلي الحياة..

- وقطع كلامنا راجل دخل الاوضة ومحدث اهنتم.. كنا مفكرينه واحد من البشر اللي هتسافر برده ولما لقينا مش مهتمين راح معلي صوته وقال:

- كله يجهز عشان هنمشي أول ما الليل يجي.. يعني كام ساعة كمان.. وهقول حاجات اللي هيخالفها يأما هييموت يا أما.. هييموت برده :

١- اللي هيطلع على المركب إنتا وشنطة صغيرة معاك بس (ضهر يعني).

٢- مقيش أي خناقات أو حركة جامدة على المركب يأما هنموت كلنا.

٣- قبل الساحل الايطالي بشوية ممكن تنزل تعوم وتوصل إنتا.. أنا مش

هوصل للأخر.

- ٤- في الطوارئ شوية هياخدوا عوامه وينزلوا بالعافية ورينا يسترها..
- ٥- وبعد ما عدل وشه وكان ماشي رجع قال..(آه وهنمشي من المينا مش من هنا)
- بعد ما قال الكلام ده حسيت بجدية الموضوع.. أو حسيت أني زي العيل الصغير اللي عايز يجري بسرعة ويرجع البيت عشان خايف..
- بس.. حتي موبايلى فصل كنت عايز أكلم سيف لأنه رن عليا وأنا نايم كثير وأنا كنت عامله صامت عشان البشر اللي نايمين.
- عدت الكام ساعة دول كأنهم كثير أوي وأخيرا الليل جه وهنتحرك ووصلنا المينا.
- ركبت المركب شكلها مركب صيد كبيرة فعلا متهالكة جدا والخشب بتاعها على آخره.
- طلعنا ١٠٠ واحد على المركب والمركب اللي جنبنا بردوا ١٠٠.. طبعا مطلعناش غير بعد شوية خناقات على الفلوس والشنط والاماكن.. كنت شايف دوشة بس معنديش استعداد اسمعها.
- المركب اتحركت كل ماتتقدم خطوة ببص ورايا.. يمكن مجيش تاني ويمكن موصلش ويمكن أرجع بسرعة أوي ويمكن أرجع بس بعد سنين.. حسيت بغربة من أول متر بعد عن شط بلدي..
- ساعات عشان تهرب من حاجة أو تنقذ حاجة بتبقي محتاج أو مضطر تفرط في كل حاجة..
- قد أيه مهما الواحد كان عنده مشاكل ويبتمني الموت بس لسه بيحب الحياة ومتشبت بيها، لسه في عينيه حبة أمل لسه بيدور يعيش.. حتي لو يموت كل اللي فات..كل مايعني تروح على المياه كنت ببعدها..على قد ما بحبها الصبح بكرهها بالليل...
- مش عارف الليل اللي بيخوف ولا المياه... ولا أي مجهول مش شايفينه بنخاف منه.

- بدأت تاتي الحكاوي والصوت العالي أول ما بعدنا عن المينا.. كنت ببص على مختلف أنواع الناس اللي معايا باستغراب شديد..

- أيه اللي يخلي راجل عنده يمكن ٥٥ سنة أو أكثر يسافر وبالطريقة دي.. أيه اللي يخلي طفل يسافر وبالطريقة دي.. الواقعي الوحيد هو الصومالي والسوري.. هما كده كده عيتين لو ماتوا اترحموا ولو عاشوا أي عيشه هناك هتبقى أحسن بس في الآخر قولت أنا مستغرب ليه ؟ أنا المفروض استغرب نفسي.. أيه اللي يجبرني على كل ده..

- تعبت.. فتمت.. نمت عشان اصحي على نور..

- قمت أكثر من خمس مرات نكاد المركب تغرق فيها ويوزعولنا ال Life Jacket بردوا مهترئ.

- وكان ربنا كان مديني نوم من عنده أو أنا كنت عامل نايم مغمض عيني عشان مشوفش أي حاجة ومحسش بأي حاجة.. بس كل هزة أو اضطراب كنت بصحي على صوت هؤلاء الحمقي وهم متمسكين بالحياة..

- (آخر الليل) أصعب ساعات مرت كأنها أيام.. عاجز عن فعل أي شئ فنحن في عرض البحر.. وتحت رحمة الامواج والمركب.. وهؤلاء الحمقي الذين يصرخون.. وكان صراخهم يسمع أو يفيد.. فقط جميعنا متشبسين بالحياة، ننظر للامواج وونظر لوجه السائق ونمسك بيدنا في الأرض وساعات على هذا الوضع تهدأ الامواج وتهيج حتي جاء النور.. ورجع الهدوء مرة أخرى.

- رجع كل اثنين أو كل مجموعة يتكلموا مع بعض تاني بس أنا كنت قاعد مكاني لوحدي معنديش طاقة أحكي.. أو حتي اسلي وقتي..

- بصلي الراجل صاحب الشعر الشايب.. وجه عليا وقال مالِك يابني ساكت من أول ما دخلت التخزين.. إنتا تعبان ؟

- أنا : لا يا جج مفيش حاجة شكرًا.

- هو : إنتا زي ابني أنا عندي عيال قدك.. تعالي أقعد معانا شوية ولو عايز تنام أبقي نام بعد كده، ضيع وقتك حتي..

- أنا .. (لسه معقول لا مش هقدر لقيت كل اللي كان قاعد معاه ببصلي)..
فقولت ماشي.
- الغريبة أنه كان قاعد معاه كل المميزين.. اللي كان قاعد جنبي في التخزين
وحكيينا مع بعض وشاب سوري وشاب تاني، قبل ما أقعد قولتلهم سلاموا
عليكوا.. ردوا السلام وابتسموا.. وقعدت وأنا مش عارف أقول إيه
- اللي كان قاعد جنبي نطق :
- إنتا من ساعة ما دخلت الاوضة وأنا مرتاحلك حاسك ابن ناس كده
- أبتسمت وسكت.. راح مكمل :
- اسمك إيه ؟ ومالك بقي من ساعة ماجيت ؟!!
(بابتسامة كلها فضول من اللي قاعدين).
- أسمي آدم.
- وأنا أسمي ماجد.. قولي بقي مالك وأيه اللي حدفك هنا شكلك مش وش
بهذلة ومحاولتش تاخذ فيزا شرعي ليه.
- كانت هتاخذ وقت ومجهود ومش مضمونة وأنا كنت عايز أمشي بسرعة.
- بصلي وبكل لا مبالاة وفضول (ليه).
- أنا : (ومع السؤال والفضول الغير متوقع ودبت وشي بعيد وقولتله)
- أصل أخويا هناك وتعبان شوية ولازم اسافرله..
- هز رأسه وعمتم على غير اقتناع ربنا يطمئنك عليه.
- مكنتش ناوي أجاربه في الكلام بس حبيت أغير الموضوع بسرعة وبصراحة
صغر سنه أثار فضولي أنا كمان فسألته:
- وانت عندك كام سنة وأيه اللي خلاك تسافر كده ؟
- لقيت حد نادم عليه وببكله في حاجة قعدت أتأمل شوية في وشوش اللي
قاعدين منتهز فرصة أنهم مركزين مع اللي بيتكلم.
- وشوشهم المتناسية كل المشاكل وقاعدة تحكي ولا كأننا كنا بنموت من
شوية.. سألت نفسي معقول أنا بس اللي عندي مشاكل تخلي حالتي كده!!لم

تطل لحظات التأمل

- بصلي ووالي مؤخدة ياباشا نكمل.. خد نفسه وكمل :

- أنا عندي ١٧ سنة وفي بلدنا من كام سنة كده.. كام واحد سافروا بالطريقة دي وبعد سنة تقريبا بنوا بيوت وظبطوا أهلهم، فمن ساعتها وبقت موضة زي موضة اللبس كده. مع أن حصل حوادث كتير أوي ناس تغرق وناس تترحل بس عادي.. وساعات الاهل بيضغطوا وساعات بيبيقي رغبة مننا أحنا..
- كله طمع وبقي بيعت عياله أو يروح هو واللي ميطمعش اهله يجبروه يطمع أنا كنت رافض في الاول وكنت خايف لان ناس كتير ماتوا وفيهم ابن عمي وحتى اللي بيموت مبيلاقوش جثته.

- طلعت من قلبه تنهيدة وكمل كلامه :

- كنت شايف أن شبابنا كله احلامه في الغرب ويقعدوا طول عمرهم في غربة ومرار ويوم ما يرجعوا يرجعوا عواجز أموات وكان بلادنا خلقت عشان تبقي قبور..

- (ابويا جه آخر مرة قالي ياابن الكلب، ده أنا معتمد عليك إنتا وأخوك عشان اخواتكم البنات تجوزهم، وعلامك ده بله وأشرب مايتة.. غور شوفلك شغلانة وابعتلنا فلوس) وخلا اخويا بيعت جزء من الفلوس بتاعة السمسار والباقي في رقبتي لغاية ما ابعته..

- وأنا أصلا معرفش أيه اللي مخبهولي بكره بس هيكون أيه يعني.. مش خايف.. بس مكنتش حابب..

- وسط كل الكلام ده أنا كنت بفكر ازاي واحد عنده ١٧ سنة يتحمل المسؤولية دي ويبيقي بيتكلم كده كأنه عنده ٣٠ سنة، بس الحقيقة أن فعلا العمر مش رقم.. العمر خبرة وواضح أنها ورته كتير

- فكرت في جملته :

- « احلام شبابنا تكمن في الغربة، نترك بلادنا بلا احلام لنايتها ونحن نتعكر لنموت فيها وكأنها خلقت لتكن مقبرة فقط »

- هؤلاء شبابنا

- ونحن دائماً نعتقد ما يعيقنا في الحياة من تقدم هو ما نفقده.. فالفقير يعتقد أنه لا يتقدم بسبب المال والجاهل يعتقد تأخره بسبب العلم.. مع أن لو وجدت هذه العوامل نبحت عن شئ جديد لنفتقده ونتأخر به.. أنها ببساطة أفكارنا جميعاً.

- ماجد : أيه روح فين ؟

- أنا : لا أنا معاك.. بس مستغرب شوية.

- هو : متستغربش يابيه أنا أحسن حال من ناس كثير يعني الراجل الطيب اللي لسه قايم من جمبك ده وكان بيضحك عنده ٥٧ سنة كان شغال في السياحة ولما السياحة اضربت الشركة صفت وسرحتهم كلهم وده عنده كوم لحم ٥ عيال وامهم.. هيعمل إيه مضطر..

- وشاور على السوري وقال :

- الشاب الحليوه ده شاف في بلدهم اصحابه وأهله ييموتوا واللي نفذ منهم هرب كل واحد في حته شكل ،وهو الدنيا حدفته على هنا.. جه مصر قعد شويه وبقي مصيره زى مصيرنا

- ياما تشوف يابيه.. والحمد لله بس الحظ يلعب معنا ونوصل بالسلامة وندخل وكل حاجة هتبقى تمام..

- أنا: إنتا عارفهم كلهم كده ياما جد ده إنتا مسبتش حد.

ضحك وقالى : أصلي أديلي ٣ أيام في التخزين وكنا زهقانيين فسلينا وقتنا

ده غير الواد اللي هناك ده أبو شنب ده ليبي هربان..

- قاطعته وهو بيضحك وقولتله لا ياعم كفاية كده أنا تعبت.

- كمل وهو بيضحك أكثر وبيقولي واللي هناك ده ثالث مرة يسافر المرتين اللي قبل كده اتمسك واترحل..

- ومرة واحدة فمت من مكاني مخضوض وهو بيتكلم افتركت حاجة فظيعة.. استأذنت بسرعة وجريت على الشنطة وهما مستغربين.

(٢) الأب

- اديني يوم ونص معرفش عنه حاجة موبايله مقفول ،ومطمئنيش أنه وصل أنا مش عارف أعمل أيه..
- طب بص يابابا احنا نتصل بسيف هو اللي يبقي عارف كل حاجة عنه يمكن يطمنا....
- معاك رقمه.
- أه معايا كان رن عليا منه آخر مرة كان آدم هنا.
- طب سجلهولي يابني على الموبايل أو أضرب إنتا عليه.
- حاضر هكلمه دلوقت.

(٣) إياد

- خدت الموبايل وطلعت برا الاوضة.
- الو.
- الو.. مين.
- أنا إياد ياسيف أخو آدم الكبير.
- آه أيوة يابني أزيك عامل أيه.. معلش أصل الخط على موبايل تاني فالارقام كلها ضايعة.
- لا ولا يهملك.
- إيه في حاجة ولا إيه !
- لا بس آدم المفروض أنه وصل من بدري، ولغاية دلوقت منعرفش عنه حاجة ومكلمناش وموبايله مقفول، وحتى مقلناش طيارته كانت أمتي مقالش غير اليوم بس، ومقالش الساعة حتى..
- أنا برده برن عليه موبايله مقفول.
- هنا قلقانين عليه أوي، وبابا هيموت من الخوف واخولتي كلهم ملمومين بس مش عارفين نعمل أيه.. قولنا اكيد إنتا اللي هتبقني عارف..
- بص.. هو كويس متخافوش.

- يعني إيه ياسيف كلمك ولا مكلمش ؟
- .. أصل بص..
- إياد: يابني مالك.. إنتا عارف حاجة.
- لا مفيش والله بس بصراحة اخوك مش هيوصل دلوقت، ممكن يوصل بالليل أو بكره حسب التساهيل.
- تساهيل إيه ؟ هي عجلة دي طيارة.
- لا هي مش طيارة.
- إياد « يعني إيه ؟
- أخوك سافر بمركب عن طريق سمسار.
- (أول ما قالي كده كنت حاسس أني عرقت فجأة مش عارف أعمل إيه ؟)
- أياه فينك.. متخافش هيوصل بالسلامة.
- (بعد سكوت وتوهان شويه قالي بعصية :
- إنتا ازاي تسيه بعمل كده.. ده صاحبك.
- أنا حاولت معاه كتير وافكره قالكوا
- (حاولت ابرر موقفي بكذبة)
- محدش يعرف ولا قال أي حاجة.
- طب هتعمل إيه ؟
- مش عارف ده أنا لو قولت لأبويا كده هيروح فيها.. بس لازم يعرف.
- هيبقي فيها زعلة بينهم دي.. خلى بالك
- طب أعمل أياه ما هو اللي حطنا في الموقف ده.
- إن شاء الله يوصل بالسلامة ويظمننا.
- لو عرفت أي حاجة كلمني ضروري.
- وإنتا كمان.
- سلام.

- مكنتش عارف أعمل أيه وأقول لأبويا ازاي كلمة مركب دي ترعب أي حد واللي بنسمعه الايام دي على الهجرة اللي بالشكل ده يخض.
- وسمعت صوته بينادم وواضح أن هو لاحظ حاجة أو سمع حاجة من كلامي.

- أيوة بابا.

- بابا : ها قالك أيه ؟

- بابا متقلقش آدم بخير بس هيوصل يا أما بكره الصبح , يأما النهارده بالليل

عشان هو مسافرش طيارة ده سافر في مركب هجرة غير شرعية من ورانا بابا.

- (لقيت نفسي بقول كل الكلام ده ورا بعض مكانش ينفع اشيل الحمل ده كله لوحدي ولازم يبقى عارف كل حاجة.. بس أنا كنت خايف عليه أكثر من أني مستفز منه.. أنا أخوه الكبير وكان المفروض يعرفنا أو حتي يعرفني.
- ولما قولت كده لقيت بابا من قبضة قلبه اترمي على الكنبه واخواتي منطقوش بكلمة.. الواحد كان حيران هو اطمئن ولا خاف أكثر لقيت بابا بيقول :

- أنا كان قلبي حاسس وسألته ازاي كل حاجة مشيت بالسهولة دي؟! ده الناس بتتقعد سنين تحاول وهو يقولي دي معرفة واحد صاحبي والحمد لله أنا كان قلبي مقبوض.

- بابا اللي حصل حصل بس يوصل بالسلامة.

- دخل أوضته وقفل بابه وهو بيهمهم (هات العواقب سليمة يارب)

(٤) آدم

- ازاي أنسي اظمن اهلي قبل ما اطلع على المركب آيه الغباء ده ؟
- كده ممكن يعرفوا كل حاجة زمانهم قالين الدنيا.. يارب تعرف تتصرف
ياسيف

- وشي اتخطف واتخضيت أوي ودماعي اتقلبت لما افكرت.... فنمت.
- صحيت كان الليل خلاص جه وماجد بيصحيني وبيقولي يلا بسرعة عشان
قربنا نوصل حظك حلو ده ساعات الرحلة دي بتأخذ أيام.. وأحنا وصلنا في
٢٤ ساعة فقط..

قمت لقيت راجل تبع المركب بيقول :

أحنا قربنا من (جزيرة لامبيدوسا) دي تبع إيطاليا يعني احنا يعتبر وصلنا بس
احنا دورنا خلص فاضل دوركوا انتوا هتنزلوا تعوموا لغاية الساحل الايطالي
٢ كيلو مش كثير ومن هناك هتدخلوا إيطاليا بسهولة.. احنا منقدرش نقرب
من هناك عشان منتمسكش كلنا وتترحل أو نتسجن .
خوفت جدا أنا كنت خايف أبص على البحر بالليل كمان هنزل أعوم فيه.
حصلت دوشة وناس اعترضت..

(ولكن أنه الامر الواقع. فنحن الان نصارع الموت يا أما نصل ونتنصر ياأما
نموت غرقا).

استعدينا بس الجواكت اللي كانوا جايينها مكفتش ادوها للي مبيعرفش

يعوم .. أنا لقيت الراجل الكبير واقف خايف قلعت الجاكيت وادتهوله:

أنا بعرف أعوم يا حوج ومش محتاجه ربنا يستر عليك

وأنا بدهوله سامع صوت عالي يلا مفيش وقت.. يلا.. والناس بدأت تنظ في المياه فعلا خدت الشنطة على كتفي.. مينفعش اسببها مع اني عارف اني حتي لو وصلت هتبقني ملهاش لازمة كل اللي جواها هيبقي باظ خلاص..

- المياه تلج.. الليل والضلمة.. وسواد المياه مرعب.. جو مختلف.. الحاجة الوحيدة اللي كانت مطمئاني أن كلنا قرييين من بعض بس القرب مستمرش كثير بعد دقائق كان كل ٢ ف حته.

- الخوف من المجهول اللي إنتا أصلا فيه.. ضربات قلبي تنبض بسرعة جدا وكأن الموت يجري خلفي..

- يمكن عدت ساعة أو ساعات وأحنا بنعوم وبنحاول نطلع قدام على امل أننا نشوف بعيننا مايدعي (جزيرة لامبيدوسا) .. نسمي اشوقها قدامي بس عشان اطمن..

- اللي بيبقي نفسه يوصل.. بيبقي خايف وقد يكون على باب اليأس.. بس لما بتشوف أي حاجة تدليك أمل أنك خلاص قريت.. بتقوم وتعافر حتي لو إنتا فاقد الوعي.

- وقد يكون بعد الساعات من العوم والخوف من الموت وصلت إلي هذه الجزيرة ومعني فقط (ماجد) الثواني في الليل والبحر بتعدي ساعات واحنا الضلمة شغلتنا وكل بيكي على ليلاه.

- ونحن نموت جوعا وعلي بعد آخر من الشاطئ وجدنا مجموعة أخرى من الذين كانوا في المركب قد وصلوا انضمنا وذهبنا نبحث عن اي طعام في هذه الحدائق.. لم نجد الا التين الشوكي..

- وفجأة و نحن منهمكين في جوعنا تم القبض علينا واحتجزنا في مخيم للصليب الاحمر..

- هناك عرفت إن عدد من اللي كانوا معنا غرقوا.. بس اللي بكاني إن منهم

الراجل الكبير اللي كان مهتم بيا جدا.. حسيت بالذنب عشان كان المفروض مسبهوش.. مش كفاية ابدأ اني اديله الجاكييت بتاعي.. لو كنت جنبه مكنش غرق

- وكمل ماجد كلامي : ويمكن لو كنت جنبه كنت غرقت إنتا كمان.
- ادعي اننا منترحلش أو بمعنى اصح منبقاش من ضمن اللي هيتحلوا..
- مكانش هاممني وقتها اترحل اولاً، قد ماكنت حاسس بذنب الراجل الغلبان ده.. قد إيه يارب في الدنيا في ناس تعبانة.. الحمد لله..
- بعد الكشف الطبي علينا حجزونا في مخيم الصليب الاحمر لمدة يوم..
- الشنطة ضاعت مني.. واضح أن من التعب وقعت مني في المياة ومحسستش زي ما أنا مبحسش بحاجات كثير.. موبايلى. الكتاب والهدوم كله ده راح مع الشنطة

- ٢٤ ساعة منتظرين هيعملوا إيه معنا هيسجنونا ولا هيرحلونا ولا هيدخلونا البلد وحتى لو اترحلنا.. معقولة بعد ده كله ؟
كنت خايف افكر لأتجنن والانتظار.. متعب أوى.. كنت عصبى وبتخانق مع أى حد.. كنت تعبان ومضايق وخايف..

٢٤ ساعة اخرى من المجهول..

(الفصل الرابع)

(أحيانا نعجز أن نتوقع ما يحدث أوريما لأننا لا نريد أن نتوقع)

(١) آدم

- أيوه يابابا أنا وصلت الحمد لله
بصوت بيدارى حاجات كثير
وهو رد بصوت كله لهفه وحسم.. معرفش إزاي
- حمدالله على السلامة.. عملت كده ليه يا آدم
- عملت إيه يابابا احنا مش اتكلمنا فى الموضوع ده قبل ما امشى
- آدم ! أنا عرفت كل حاجة، الكذب مالوش رجلين
-.. سكت عشان كنت بشتتم سيف فى سرى وقولت باستعطاف.أنا فى مخيم
الصليب الاحمر يا بابا محتجزين على الحدود وهيدخلونى البلد ،ومعظم
اللى كانوا معايا اترحلوا وأنا مستلف تليفون بالعافيه عشان أظمنك .. أول
ما أدخل البلد هكلمك ونتفاهم
- معادش ليك كبير يا آدم
- متقولش كده ربنا يخليك (محاولة لاسترضاء) أنا حبيت بس أقولك أنى
<https://facebook.com/groups/abuab/>
وصلت وأنى تمام وهكلمك تانى
- طب أستنى.. إنتا كويس بجد؟؟
- آه أنا زى الفل
-امال مال صوتك
- أدينى كثير أوى صاحى ده غير الرعب وشدة الأعصاب بس الحمد لله
عدت.. هبقى أكلمك.. سلاام

بعد ٢٤ ساعة مش عارفين مصيرنا إيه..
عرفت إن أنا اسمى مطلعش في قائمة المترجلين أنا وكمال (السورى).. آه كمال
عادى مش زى ما السينما مفهمانا..
بس اللى ضايقنى أوى إن ماجد هيترحل.. حبيته عشان هو يتحب عشان
كله أمل وصبر وخبره..
- عرفت إن هما هيترحلوا خلاص واحنا الاثنين هنتحجز كام يوم نغاية ما
ندخل البلد..

ومعانا ناس تانية بس منعرفهاش..
- كان نفسى أدخل البلد بأى طريقة أو أغرق، بدل أهلى عرفوا صعب أرجع
لو رجعت مش هقدر أسافر تانى.. ده غير فلوس امى اللى ضاعت في السفر
وجزء منها في الشنطة اللى غرقت..
- قعدنا في المخيم ٣ أيام كمان وبعدين كنا عايزين نركب قطر عشان نوصل
لميلانو.. (زى ما فهمنا من واحد في المخيم).. ومش معنا فلوس ناكل حتى..
- ملقناش أى حاجة نعملها غير أننا نشحت أو نشتغل كام يوم عشان نجيب
فلوس التذكرة بس مش معنا سكن.. ف قررنا الاختيار الاول
- قعدنا في الشارع احنا الاثنين.. احساس التوهان والغربة مش لسه بادئ هو
بادئ من زمان أوى بس أول مرة يحاوطنى.. والمرة دى مش عارف أهرب
كعادتى..

- بشمهندس محترم بيشحت ثمن التذكرة عشان يروح مكان هو مش عارف
هيروحوا إزاي وفين ونروح هناك نبدأ توهان من جديد!!
- كل اللى كنا بنعمله أو عايزين نفهمه للناس بيبقى بالاشارة.. ويبرد عليك
بكلام إنتا مش فاهمه..

- كنا ماشيين منين ما رجلينا تودينا.. لمينا ثمن التذكرتين بعد كام ساعة..
وبعدها بدأنا نسال على المحطة القطر بمنتهى الصعوبة والتعب قدرنا
نوصل..

· وصلنا ميلانو مدينة أحلام الشباب كما يرونها
· كان الليل جه والبرد زاد أوى.. وبدأت تمطر بس احنا ملناش مكان نروحه..
كنت بردان وجعان وتعبان وخايف ومضطرب حسيت كمية أحاسيس مع
بعض كفيلة أنها تقتلنى.. وطبعاً لو قولتلك أننا ملقناش أى حل غير أننا نبات
تحت مظلة مطعم عشان يدارينا من المطر.. مش هتصدقنى

(٢) عم آدم

لقيت على يبصلى باستغراب مش متخيل أن أنا خاطرت وتعبت عشان
اتغرب وأنام في الشارع..

مرة واحدة رحيت بطلت احكى..وقولتله:

احنا كنا زيكوا بالظبط.. بنبص للسفر أنه فلوس وعرييات وبيوت وبنات
وبلد نظيفة بس مش هي دي الحقيقة بس مبنبصش إنه غربه وتعب
وخوف وذلل

أنا كنت ببص زيك وكنت مصمم زيك إني أسافر عشان كده بقولك مش
هسيبك تعمل كده..

إننا بتشتغل، كمل في شغلك.. أحلم هنا وحب هنا واقعد هنا وسط أهلك..
متفطش في أبسط أسباب السعادة عشان شوية فلوس بتجيبها ناس باصالك
فيها وفكرة إنك بتغرب فلوس وانت قاعد..

احنا في مشاكل في البلد وبطالة وقرف وظلم متفكرش إن أنا مش عارف، كتر
خير الشباب بس لو عايش هنا مكفى عيشتك يادوب خليك هنا ولا تروح
وتجيب فلوس فايزة.. بس فايزة من عمرك..دى ايامك دى أحلى سنين
حياتك.. هترجع تبقى غريب عن كل الناس مش هيبقالك مكان هنا.. حتى
صحتك هتبقى فقدها..

- أنا خايف على عيالي في المستقبل

- ولو سافرت تخاف عليهم أكثر.. ربك كريم

- طب كمل عملت إيه بعد كده..

(٣) آدم

- صحيت الصبح على صوت واحد بيزعق
وغالبا كان صاحب المطعم اللي احنا نمنا قدامه.. نمنا واحنا بردانيين،
أنا قمت مكنتش مستوعب أنا فين.
- تعال ندخل نشوف عنده شغل
- فكره.. ادخله إنتا.. بس بعد ما يهدى
سندت ضهري على الحيطه وقعدت مستنى كمال
طلع بعد ١٠ دقائق بيقولى إنه مرضيش عشان مش معانا ورق..
مشينا كل مطعم يدخل كمال ويرد صاحب المحل يقوله لأ.. مع كل كلمة لا
بتتقال بحس بالغربة والضيق أكثر..
يااارب..
دخلت مطعم بتاع واحد شكله عربى ولما اتكلمت معاه أتأكدت.. وافق إنه
يشغلنا فى المطبخ بس بمرتب نص المترتب العادى عشان مش معانا ورق..
مفيش اختيار.. وافقنا نستلم من بكره، فاضل السكن
موبايلى كان عليه رقم واحد صاحبى كان هيجبلنا شغل وسكن
كمال : فين تلفونك
- ضاع مع شنطتى
- جاتلى فكرة.. تعالى نسأل صاحب الشغل مش هنعرف نفهم غيره فى
الموضوع ده..
-تعال نرجع..

دلنا صاحب الشغل على مكانين سكن ..
اخترنا واحد فيهم الاقرب للشغل بس كل حاجة كانت غالية واحنا أصلا
مش معانا هدموم عشان نبيعها.. السكن غالى والاكل غالى والهدوم غالية
- سكنت فى شقة فيها ٣ أوض فيها ١٠ أفراد أنا وكمال كنا اخر مكانين فاضلين
.. كان فى الدور الخامس والسكن كله هنود وباكستان وسوريين كمال طبعاً
لقى نفسه وأنا لسه زى ما أنا.. كمال اللى بيتكلم مصرى أحسن منى (من سنه واحده)
كمال ذو اللحية الكثيفة البنية والشعر الخفيف الذهبى اللون..
وطوله وعرضه وعينييه الزرقاء.. من الأخر واد جنتل
- كان سهل جدا يسهل حاله بانه يتجوز ايطاليه وياخد الجنسية..
- كنت بتمناله إنه يرتاح بعد اللى شافه والمأساه اللى حكهاالى..
- فهمت معنى الكلمة اللى كنت بقراها فى مصر على جدران المدارس
والكيارى (لكى الله ياسوريا)
- دون أن نتطرق لمواضيع أخرى يعرفها الجميع لكن (كمال).. مأساه
متجسدة..
- أخوات يموتوا قدامه وأهل يتوهوا عن بعض وكل واحد فى حته..
- حبيته اللى هجروهم من بيوتهم وميعرفهاش فىن.. كل ده.. وجاى هربان
على مصر وبعد كده على ايطاليا.. والبقية تآتى
- عارف أننا هنرتاح، عارف أن كل مشكلة وبتتنسى عارف أن كل كرب وليه
فرج بس اللى بيبقى فى المشكلة مش بيبقى شايف كده.. مش بيبقى شايف
غير سواد، واى كلام عن الأمل بيعتبره.. سخريه
- قعدنا ٦ شهور بنشتغل ١٢ ساعة.. ومش بأكل غير الوجبة اللى فى المطعم
بيدوهالنا عشان يتبقى معانا فلوس لإيجار السرير..
- قعدت شهرين بلبس نفس اللبس بتاع السفر وأروح أغسله وأنشره والبسه
تاتى..

بأبأ مش كفاية كده اديلى شهور هنا وانت لسه مش راضى تكلمنى..
أنا تعبان مش ناقص متزعلش منى..وحتى مش معاينا فلوس اكلمك براحتى..
-قول الحمد لله إنى وصلت بالسلامة..
رد بصوت هادى
-مش ناوى تيجى قريب
ضحكت وقولتله
-أنا معاينا سنين عشان أخذ الأقامة
تفتكر عملت ده كله عشان اجى أقعد كام شهر وأمشى
- عارفك مش هنشوف وشك تانى من وانت فى أولى جامعه وأنا حاسس أنك
عمرك ما هترجع تقعد معانا تانى..أبقى اسأل عليك..
تجاهلت الكلام اللى قاله عشان يمكن حقيقه
- سلمى عليهم وخلصوا بالكوا من نفسكوا

(٤) عم آدم

احمد كان مركز أوى وأنا بتكلم وببص فى كل حته الا عليه (كعادى)

قاطعنا تانى القهوجى عشان يحطلنا مايه وحجر معسل طبعاً ليا..
وكملت

بص يابنى :

احياناً نسعى لطريق شقائنا.. بنتمسك بحاجة فاكرينها هتريحنا.. احنا
بنستسهل نهرب، بنستسهل نمشى ونسيب كل حاجة ورانا مُدمرة
بس فى الحقيقة أن جزء كبير من تعاستنا هو (غيابنا) وأنا مبهتعلمش ودايماً
مش راضيين، والاسباب دى بس تحقق الرقم القياسى للتعاسة.
طبعاً أنا فى وقتها مكنتش مكتشف ده.. ومحاولتش اسمع حد.. قعدت ابص
لورا مش عارف اقلب الصفحة وولا قادر ارجع اللى ورا ولا قادر اعيش اللى
جاي (عايش بس عشان ابص لورا) أصل النكد ده فن
اوعى تفوق متأخر هتدايق أوى من غيابك أتمتع بكل حاجة فى أيديك.. بكره
مممكن متطولوش

الكأبة والتعاسة جوانا احنا.. (قرار) كل واحد بيمشى فى الطريق اللى يريحه ،
أى أزمة بتسيب جواك اثر هتزقك على حاجات ثانية حلوة بس متدخلش
نفسك جوه دايرة الاكتاب..

مش هتلاقى كل حاجة على مزاجك فى حاجات كتير أوى مش هتتعجبك
وهتتعبك بس هتعشها غصب عنك وممكن فى ثانية كل حياتك تتغير
وظروفك تتغير، للأحلى بقى للأوحش.. بس اهم حاجة أن الظروف بتتغير.

(٥) آدم

- التعب والذل ده فضل فترة طويلة أوى شهور.. لغاية ما بقيت كائن تانى.. من واحد كله فلوس ولبس وتكنولوجيا وداها زرار القميص يفتح من النص بسبب الكرش..

لحد ما بقيت جلد على عضم ونادرا لما يبقى فى فلوس فى جيبى وبخاف اجيب حاجة اكلها أحسن ملاقيش إيجار السرير آخر الشهر غير مضايقات الشغل..

- وفى يوم كانت السما مفتوحالى.. اتعرفت على واحد عجوز ايطالى بالصدفة فى الملحل وبشوية الايطالى والكام كلمه اللى اتعلمتها

سألنى جنسيتك إيه وأنت شغال بكام وعرف إنى مش معايا ورق كنت خايف بصراحة لما عرف.. وندمت إنه عرف يُجرنى فى الكلام وصاحب الملحل لو عرف هيطردونى.. بس الندم مكانش فى محله..

عرفت أنى ممكن اخذ الاقامة على اساس إنى اعيل رجل مُسن بس لازم قصاد الاقامة فلوس وخذت رقمه وقولتله هجهز المبلغ واتصل بيك وطبعا المبلغ ده مكانش معايا وصاحب الملحل مرضيش يدبني سلفه.

مكنش قدامى غير إنى اشتغل شغلانه تانى كام ساعه بأى طريقة..

وبعد ما دورت كتير.. اشتغلت شفت بالليل بعد المطعم، كاشير فى محل بيتزا باليومية، شهر (٣٠ يوم) مش بنام غير ساعتين

لغاية ما كونت المبلغ واتصلت بالمُسن وودتله الفلوس.. وبعدها بشهر خدت الاقامة

- ومن اليوم ده وكل حاجة اتغيرت.. سبت المطعم بعد مشكلة مع صاحب

المحلل عشان باقى فلوس
وكملت شوية فى محل البييترا عشان تفألت بيه..
بدأت ادور على شغل جديد بمرتب اعلى وسكن غير السكن البدائى ده..

- اياذ إنتا الكبير أخواتك الصغيرين دول أمانة فى أيديك ومسؤوليتك
- مالك بس يا عم متخافش عليهم
- لا أخاف.. اخاف عشان ميطلعوش مُعقدين زينا.. اخاف عشان ابوك ما
يؤمّنش على عيال..
- إنتا مش هتنسى بقى ؟
- انسى ؟ دى امى يا عالم..
- ما احنا كلنا مضطرين نتأقلم.. هو ده الواقع
-الواقع ده احنا اللي بنعمله
- بس فى حاجات غصب عننا
- وأنا مش قابلها.. ومش هقبلها
- دايمًا تعبنا.. دايمًا مش بلاقى راحة فى بيتى عكس كل الناس
- طب واحنا اخواتك؟؟
-انتوا الحاجة الوحيدة الى مصبرانى على كل ده.. بس مش هنا فقك اللي
شوفناه ميخلناش نتمسك ببعض.. احنا كل واحد فينا فى حته.. احنا مشوفناش
ابونا مرتبط بحد
فطلعنا تلقائى كده..
- ندمت بعد ما قولت الكلام ده.. كانت لحظة غضب واندفاع..
أنا طول عمري احب الصحاب ومة الاهل، لمة الاهل مكانتش موجودة ومش
قصدي المعنى حرفي..

ما يسعى اليها دائما لا نريده وما نسعى اليه دائما لا نطوله..
أنا دائما اسعى إلى الحياة.. والحياة لا تريدني

حاول كمال إنه يقنعني اكمل في السكن.. بس رفضت، مش لانه بدائي بس..
لأنه بيلم مجموعة من المدعين.. ودي أكثر شخصيات بكره اتعامل معاهم
يمكن عشان أنا واضح زيادة عن اللزوم.

(دائما اري من يتكلم عن الأخلاق فهو غالبا يكون عديم الأخلاق ومن يتكلم
عن الدين فهو أكبر مُخل بالدين، ومن يتكلم عن الضمير فهو أكثرهم في
الأرض فسادا .. وغالبا تظهر الأيام ثبات نظرتي..)

وفي خلال شهر كانت الإقامة طلعت ولقيت شغل جديد في مول بهرتب
كويس ولسه بدور على سكن جديد..

كنت مبسوط.. مبسوط عشان الدنيا بدأت تضحلكي وانسى اللي شوفته
زمان.. مبسوط عشان يدوبك لسه حاسس إني بدأت حياه جديدة.. وبدأت
اقلب الصفحة..

كان سهل انزل مصر اشوف اهلي بس أنا مكنتش عايز.. كنت عايز انزل لما
ابقى حاجة ولما يبقى معايا فلوس.. كنت عايز اثبت إني ناجح، ومكنتش
عايز الصفحة اللي قلبتها ترجع.. كنت خايف..

- خبيت موضوع الإقامة عن اهلي.. عشان كده كده مكنتش هنزل.. وعشان
مسمعش كلمة طب يلا نفرح بيك ولكن الواحد قلبه بزرار

يقولوا يلا نفرح بيك فنختار عروسة واحبها أو محبهاش اهم حاجة يفرحوا..
- من أهم النقط اللي في حياتي إني مستحيل اتجوز جواز صالونات..
مبفهمهوش..

- وبردوا بخاف.. بخاف ميحيش اليوم اللي ارتبط واحب واتجوز.. بخاف
اضطر اتجوز زيه.. بخاف اتجوز لمجرد الجواز ومجرد إنه واجب عليا مش
لأن الشخص ده اجرني بحبه إني اكمل حياتي معاه..

- عارف إنه كله بيجيله نفس التهيئات والمخواف لما يطلع من علاقة فاشلة..
لغاية ما الدنيا تثبتله إن نصه التاني متشال ومحدث هيقرب منه غيره..

- هو ده اللي حصل معايا بالضبط..(مش بالضبط أوى يعنى)

(الفصل الخامس)

(آخر ما نعلمه هو الغد، وآخر ما يشغلنا هو كيف نعيش
اليوم.. هؤلاء.. نحن)

مرت عليا ٦ سنين وأنا مرمى هنا.. ترس في ماكينة بتشتغل وتدرس وتغسل وتطبخ وتنظف.. كل حاجة لوحدي..

- عدت عليا أيام وحشة أوى ومشاكل ومرمطة وعدت عليا أيام كويسة برضا.. وعدت عليا أيام اكتب الاعياد..

- في الغربية إنتا بترهن احلى سنين عمرك عشان الفلوس والشغل.. بتقول للأيام خدى احلى ايامي.. وتفوق لما تبقى ضيعت كل ده ومعها الصحة والصحة والاهل..

ملعون ابو الأحلام والأصرار على حلم كذاب يسرق عمرك منك.. ملعون ابو الفلوس.. ملعون ابو النضافة لو بالشكل ده..

- كنت بقول كل ده بس برده لما كان ابويا بيكلمنى عشان انزل اجازة حتى كنت بتحجج.. ٦ سنين بتحجج..

- واقول لنفسي مش هنزل غير لما ابقى في اللي أنا فيه حاليا :
(عادلت شهادتي.. سكنت في سكن لوحدي - شغال في شركة هندسة كويسه ظروف المادية اتحسننت)

- وكل شهر مع واحدة شكل.. بقضى وقت حلو بس الحب مدخلش قلبي تاني كانوا كلهم مجرد فترة..
كنت مقضيها من الاخر..

ما اكثر الانحلال هنا.. ولكن امام الجميع وما اكثر الانغلاق في بلادنا..
فيجعل الانحلال كله وراء الجميع

ويصنع من اشياء تافهة ما يسمى العيب والحرام..
نحن متحفظين.. لكن امام الناس فقط وهذا هو الفرق الوضيع

وبالصدفة اللى بتجمعنا دايما بالناس الحلوة أوى اللى فى حياتنا، أو الوحشة أوى اللى خرجوا من حياتنا.. قابلت خطيبتي (نور).. بنت جدعة دمها خفيف وميمية راجل (فلسطينية) وعاشت فترة فى مصر وجات على هنا.. اتقابلنا بالصدفة عشان كانت عميلة مهمة فى شركتنا وعشان هى عربية كانوا دايما يخلونى أنا اللى اتعامل معاها.. ومكديش فى الاول مكنتش بطيقها وشدينا كثير ومديرى يجبرنى إني ارجع اكلهما واعتذرلها وبعد شهر من كل ده.. فى مرة لقيت حد فى الشركة معجب بيها أوى وعازب يوصلها بأى طريقة.. ومرة واحدة لقتنى بغير ويتخنى لما تختفى كام يوم.. وبقينا صحاب البدايات كانت مبهرة من الطرفين كالعادة أنا مهتم وبسأل وبخاف عليها وهى جميلة معايا ويتسمع كلامى.. بس المرة دى كانت مختلفة..

اللى اختلف المرة دى أنى قررت إن يوم ما اعترفلها بحبى.. اعرض عليها الخطوبة علطول عشان خوفت.. خوفت منى أكثر من أى حاجة

- نور.. وراكى حاجة النهاردة
- لأ.. اشمعنا فى جديد فى الشغل ولا إيه
- لأ بس عايزك فى حاجة مهمة
- إيه مالك ؟
- لما نتقابل
- فىن ؟
- النهاردة هعدى عليكى الساعة ٧ باليل ونروح أى مكان
- مش مرتحالك.. بس ماشى
- كنت متوتر أوى اليوم ده، ولغاية اخر لحظة بفكر الغى المعاد بأى حجة وبعد تفكير كثير وبص فى المرآة وتغيير كذا طقم وشعرى مش راضى

يتسرح بسرعة زى كل يوم وحاسس إن كل حاجة مش متظبطة..ركبت العربية وكلمتها من تحت بيتها.

- انزلى أنا تحت

- ماشى نازلة أهو

وبعد ركنة ربع ساعة فى العربية مش عارف اعمل إيه من الملل.. نزلت بكل برود وبتقولى : « سوري أتأخرت »

- ضحكت وبصتلها : طب بس عشان مش طايقك

- دى كلها دقيقتين (بصوت مشاكس)

- طب انزلى بقى أنا غيرت رأيى

- ضحكت وقالت : أنا اسفه والله خلاص

رضتنى منها اقل حاجة..

وخلتها اختارت مكان

- الله حلو الكافيه ده

- أول مرة تيجى هنا ؟

- آه..

- أى خدمة

بصت لمفاتيحى اللى متعلق فيها ميدالية الزمالك وقالتلى إيه ده أول مرة

اعرف إنك زمالكاوى ,,بصتلها وضحكت : يابنتى الملوك بيشجعوا الملوك

دايما..شكلك مشجع متعصب..مش فكرة متعصب بس ده عشقى من

الطفولة الحاجة الوحيدة اللى حبيتها ومتغيرتش وسكت شوية وقولتلها أهو

من غير لف و دوران أنا جايبلك عريس (وأنا وشي ملامحة كلها جد)

حسيت بعد الكلمة دى. وشها كله اتقلب

وادايقت وقالتلى :

إننا جاينى هنا عشان تقولى كده

رديت باستغراب
إننا مش عايزة نتجوزى ولا إيه
بصتلى ورفعت حاجبها.. وانت مالك؟
طب خلاص عشان متعيطيش..
أنا. بحبك. وعايز اخطبك
قولتلها مرة واحدة.. بالعافية
فى اللحظة دى كنت سامع دقات قلبى اللى كنت فاكر انها مش هترجع تانى
كنت فقدت الأمل فيه.. وفيها
قولتلها الكلمة دى وبصتلها فى عنبها أوى على غير عادتى.. أول مرة أشوفها
مبسوطة كده، ومش أول مرة أشوف قلبى بيرقص، بس نفسى ميرجعش
يموت..

مالك يابنتى هتفضلى بصالى كده كثير
مسكت شنطتها ومشيت بسرعة.. جريت وراها حاولت ارجعها مرضيتش
واختفت من اليوم ده.. ٥ ايام برن مغلق
اعدى واقعد تحت شوية بالعربية على امل انها تنزل.. ومنتزلىش
مشكلتى مكانتش مع انها مشيت أو رفضت أو حتى مجرد متجاوبتش
معايا.. مشكلتى كلها كانت مع الغموض أو بمعنى اصح مع المجهول
من يوم الكافية لما روحت يانس ومش طابق نفسى لمدة ٥ ايام كل يوم
بيعدى من الغموض والمجهول بيخلينى هتجنن.. ٢٤ ساعة من المجهول كل
ثانية فيهم بفكر هى اتكسفت ولا خافت ولا أتفاجئت ولا ادايقت ولا بتقل
كان بس نفسى تقولى ساعتها قبل ما تمشى هى ماشية ليه..
(ذلك المجهول) الرعب والخوف والتشكيك والامل واليأس.. هو الحب
بعد كل التفكير اللى كان ساعات بيقلب بيكا ونوم لما بحس إنى ممكن اكون
أتسرعت أو انها ممكن تضيع من ايدى..

سادس يوم بعتملى مسح الساعة ٦ الصبح مكتوب فيه :

(أنا موافقه).. بس

بكل بساطة بتحذف ٥ أيام عدوا عليا كأني ميت (برسالة من كلمتين)
والغريب إني صحيت بسرعة على صوت الموبايل وكأني كنت مستنيها في أي
وقت..

رنييت عليها بسرعة لما شوفت المسح..
ردت بسرعة وكأنها متأكدة إني صاحي
وكانها متأكده انها هتلاقيني..

- إنتا عبيطة !؟

- آه ده إنتا هتاخذ عليا بقى

- أجهزي هعدى عليكى

- إنتا مجنون الساعة ٦ الصبح

- على اساس إن أنا اللي بقالى ٥ أيام مختفى ولسه باعتلك مسج دلوقت

- معلش سيبنى أنا مش نايمة من أمبارح وبالييل نتقابل

- طب فهميني

بالييل..

طب بقولك إيه.. بحبك

ضحكت وقالتلى وانت من أهله

- كم أنا ساذج.. كم يجعلنا الحب أشخاص يرضينا ابسط الكلمات والأشياء..

نصبح احياننا تحت رحمة كلمه.. نعم هو الحب الذى جميعا نسئ له

ونستغله ونشووه.. ونحن المرضى والمشوهون والسيئون..(نحن الأغبياء)

طلبت منى نروح نفس الكافية وأنا كنت مشحون أوى ومبسوط أوى في

نفس الوقت.. قعدت الطريق كله ساكت وهى كمان متكلمتش

أول ما وصلنا سألناها..

- عملتى كده ليه.

- كنت حاسه إني بتشدلك كل شوية وكنت خايفة.. معرفش عنك حاجة
وانت كمان تعرفنى سطحيا بس.. منعرفش طباع بعض.. بس لما
قولتلى كده اتأخدت وحسيت إني خوفت أوى.. متستلهش الموضوع ده
يا آدم الكلمة دى مسئولية وتعب وترتيب وتحمل وحاجات كتير أوى مع
بعض.. أنا مش حمل أى حاجة صدقتى
ومين قالك إني أنا اللي حمل أى وجع أو صدمه
كل اللي قولته إني بحبك وانى هخطبك عشان عايزك معايا علطول
وهنستحمل بعض..

- طب سينا حتى نعرف بعض بجد الاول
- احنا بنحب بعض أصلا يانور ولو غير كده مكنتش قولتلك كده ولا إنتا
كنت رجعتى..

- خايفه افتحك قلبى..

- متخافيش.. متخافيش

(كنت بقولها متخافيش وبدارى إني خايف أكثر منها)

بعد اسبوع كنا لايسين الدبل.. كنت مبسوط أوى ومرتاح ومظمن
وكنت كل يوم اروح اجيبها من الشغل.. عشان بس تهل عليا بعنيها العسلى
الفاتح.

الى بيسحر فى الشمس ورموشها الطويلة وشعرها الغزير وقصرها اللي
بيحسنى برجولتى وأنا جنبها، حتى مناخيرها اللي شبه الكورة بحبها وخفة
دمها زى ما تكون مصرية..

بحبها من غير أسباب.. حكينا لبعض حاجات كتير مكناش نعرفها عن بعض
كل واحد كان بيكتشف فى التانى عيوب ومميزات كل يوم..

كان كل يوم بنحكي فيه كنت بخاف ارجع لعادتى أو بمعنى اصح ابان على
حقيقتى..

مكنتش عايز اخسرهما.. وكنت طول الوقت بحاول اتعلم من زمان.. بس كنت بغلط غلطة افطع.. كنت بقارن..

بقارن (مريم ونور) ساعات بينى وبين نفسى وساعات قدامها

مكنتش حاسس إني بجرحها ولا أنى بعمل فجوة بيننا..

كنت كل شوية مع كل خناقة بفوق نفسى وبخاف من الخسارة.. خاصة في مرة وسط خناقة بيننا قالتلى :

(لو فضلنا على الحال ده كل واحد يشوفلوا طريق أحسن وبلاش نوجع بعض أكثر من كده..)

كنت حاكيلها على تفاصيل كتير أوى عن حياتى قبل ما أجي وبعد ما جيت بس مكانتش تعرف كتير عن أهلى الا اللى أنا عايز اعرفهولها.. ومقولتتش على طريقة سفرى لأيطاليا..

- كانت ساعات بتغير عليا لدرجة الشك وأنا كنت بقابل ده باستهتار..
كنت مبغرش عليها ابدًا غير في الأول خالص لدرجة انها كانت بدأت تسألنى
(هو إنتا بتحبنى بجد !؟)

(٢) نور

- منكرش إني حبيته واني ممكن اعمل أى حاجة عشان ترضيه.. شاب وسيم وصغير في السن ودمه خفيف ومستواه حلو وفوق ده كله لقيته بيحبني وبيهتم بيا.. بس بعد شهر بالكثير فضلت مميزاته المظهرية (مستواه وشكله) بس اهتمامه وحبه وشخصيته بدأت تبان وتقل..

- كنت بعاتبه دايمًا وبهدده بضياعي.. بس كان دائمًا التغيير مؤقت.. وصلني لدرجة إني كنت فعلاً بشك في حبه وأسأله:

بتحبني؟! طب أنا فارقة معاك؟

طب في حاجة مدايقاك؟

طب فاضي امتي عشان نحكي؟

كنت دايمًا بطول في الكلام وافتح مواضيع يمكن يقول حاجة تراضيني.. أو احس إنه بيحبني وكان دايمًا رده: إنه اكيد بيحبني والا مكنش خطبني..

بس

العقل وحده في الحب مش كفاية.. ساعات بنبقى محتاجين نسمع كلمة

بحبك

.. بتقوينا على حاجات كتير

وأنا كنت في أمس الحاجة أني أحس أو أسمع الكلمة دي..

- بعد ما عرفته أكثر عرفت إن الظاهر بيقى دائمًا مغري والمستخبي يهد أي جبل..

عرفت إن كل حاجة في البداية بتبقى حلوة وان كل الناس عندها عيوب

بس مش

كل العيوب تتحب..

عرفت إن المشاكل بتحصل في أى علاقة بس لما تكون العلاقة دي مبنية على

حب قوى مش هس أو ضعيف..

- أول مرة بكيت فيها بسببه عرفت إن أنا اخترت غلط.. وغلط أوى

(٣) آدم

وبعد حوالى سنه من خطوبتنا.. وكنا خارجين ومستنيها في الكافية..
- الو أيوه يانور فينك مستنيكى
- قربت خلاص أهو ٥ دقائق وأبقى قدامك
الخمس دقائق دول بقوا نص ساعة..
زهقت رنيت عليها (الموبايل غير متاح)
خبطت الموبايل وقلت إيه المواعيد الزفت دى وكمان قافلة الموبايل..
وبعد ربع ساعة كمان وكل شوية امسك الموبايل وأرن عليها وبردوا مغلق..
بدأت ألقى أوى
طب راحت فين موبايلها مقفول ليه
اخذت مفاتيحي من التريزة وخرجت استنى بره وأبص عليها..
وعيني بتبص على كل عربيه رايحة وجاية عدت ساعة واثنين..
ركبت العربية ولفيت حوالين الكافية.. اتصلت بالشركة يمكن يكون كلموها
فجأة.. محدش بيرد..
قعدت الف في الشوارع زى المجنون.. كان ممكن أزوح بيتى واستناها
تكلمنى.. بس كنت قلقان أوى.. كنت عايز أى حاجة تظمنى.. عدت على
الشركة عربيتها مش راكنة هناك.. عدت على شركتى.. بردوا مش هناك..
روحت البيت الساعه ١٢ باليل..
وأنا كل ما الوقت يعدى قلبى يتقبض أكثر، ركنت العربية وطلعت البيت
دماغى بتجيلها افكار وحشة أوى تعبت من الخوف..
منمتش.. خايف.. دماغى الليل كله وهى بتسأل طب زعلانة.. في حاجة

حصلتها ؟ اتخطفت ؟ عملت حادثة ؟ كل فكرة والتازية اصعب..
أول ما نور ربنا جه.. لبست ونزلت، نزلت ادور بردوا في كل مكان والف في
الشوارع.. اكل في ضوافرى وانتش في شعر دقنى (عادى وأنا قلقان)
عديت على بيتها بردوا عربيتها مش هناك.. وبردوا موبايلها كل دقيقة برن
عليه وبردوا مقفول..
روحت البيت وأنا نفسى ربنا يقصر عليا الوقت ده.. بصيت لفوق وقولتله..
ياتحلها ياتاخدى.. أنا تعب
٢٤ ساعة أخرى من المجهول..
ويختلف المجهول ولكن الصعوبة أقطع
كم ساعة في حياتنا نعيشها في مجهول
وكم شخص تؤثر في حياته هذه الساعات المجهوله..

فكرت أنى لأزم اروح أبلغ الشرطة، خدت محفظتى وموبايلى.. ومفاتيح
عربيتى ونزلت بسرعة..
وأنا بقفل الباب.. سامع صوت رجل على السلام بخطوات غير مرتبة
ومضطربة..

(٤) نور

في الساعات الاخيرة

كنت سهرانة بفكر مش جايلي نوم

نمت متأخر صحيت بالتالي متأخر هما إن النهارده اجازه..

حاولت متأخرش عليه عشان متخانقش وحاولت ابقي في أحسن حالاتي..

وصل هو بدرى عن معاده بشوية زى عادته وأنا (مش كالعادة) اتأخرت..

اتصل بيا وأنا في العربية وقولتوا إن أنا قربت عليه..

النهاردة السبت.. ويوم السبت في ايطاليا يبقى في مناطق بالليل مليانة

سكرانين ومش أمان.. ولأن ايطاليا مليانه مافيا وعصابات فانا مكنتش بنزل

لوحدي بالليل كثير..

بس الاستعجال نساني خالص إن النهاردة السبت والمفروض ممشيش من

شوارع هادية كثير..

ومرة واحدة عربية بتكسر عليا في شارع جانبي وينزل منها اثنين مُلسمين

وعايزين ينزلوني من العربية ولاني حاولت أقاوم وده تصرف (احمق) نزلوني

بالعافية وضربوني ضرب شديد وسابوني بعد ما سحت في دمي وغالبا دراعى

اتكسر.. خدوا العربية وفيها الموبايل والفلوس والشنطة واللاب توب وكل ما

يثبت شخصيتي.. وحاجات تبع الشركة..

لما خدوا العربية أنا فضلت في وعى.. شوية ومحستش بأى حاجة.. غير وأنا

في المستشفى

- مش فاهمه أنا فين ومع مين وليه.. كل اللى شايفاه إن ايدي اتكسرت

وجسمى كله كدمات ووشى كله واجعنى ولبسى دم ومبتهدله

- والدكتور يقول إن أنتى جيتى فى حادثة وحمدالله على السلامة وممكن
تخرجى بكرة الصبح لو عايزة

- الخوف كان اكثر من الوجع.. حتى آدم مش عارفه اوصله..

ادونى حاجة تيمنى عشان من ساعة ما فوقت وأنا بعيط.. صحيت تانى يوم
الصبح خلصت شوية اجراءات وأنا فى مكاني ووصلتني ممرضة لغاية باب

المستشفى ووقفت تاكسى على بيت آدم.. مليش غيره هنا

وده اللي كنت خايفه منه.. أننا نقرب واخذ على عدم الوحدة..

أنا كنت خلاص خدت عليها..

كنت دايبخه جدا وتعبانه وادم فى الدور الخامس

كنت طالعة على السلم وأنا بعيط ومش قادرة اكمل.. وعايزة اكمل لاني

محتاجاه يبقى معايا.. وفي نفس الوقت سمعت صوت باب بيتقفل أو

بيتفتح..

وادركت بعدها صوت رجل نازلة على السلام (آدم) أول ما شافنى جرى عليا

وهو مخضوض وأنا أول ما شوفته اترميت مكاني من التعب قومنى وخذنى

فى حضنه وهو مخضوض :

مالك مالك إيه اللي حصل ؟

وكل ما يسألنى مالك ؟ اثبت فيه أكثر زى ما يكون كنت نايبة عن ابويا

ولقيته

آدم(وهو مخضوض) : بتعيطى ليه ؟ طب إنتا كويسه ؟

(٥) آدم

قومتها وأنا واخذها في حضني بس نفسى اطمئن أكثر.. أول ما شوفتها قلبى ارتاح وعينى غفلت بس كان نفسى اطمئن.. شكل هدمها ودراعها المكسور والكدمات والجروح اللي فى كل حتة.. كان يخض أى حد..

طلعتها البيت وقعدنا وسبتها تعيط فى حضنى لغاية ما هديت.. غسلتها وشها.. وشها اللي يشرح قلب أى حد حتى فى أسوء حالاته.. وشها اللي كنت اتمنى ابصله كام ثانية.. أنا واخذها كلها فى حضنى دلوقت جبتلها لبس من عندى عشان تغير الهدوم المتبهدة.. وطلبت اكل بسرعة..

وقعدنا فى البلكونة :

احكىلى بقى ومن غير عياط إيه اللي حصل :

حكىلى ودموعها نازلة من عنبها زى المطر وماسكة فى ايدى زى العيال الصغيرة

طب كملى اكل ونعدى على البيت، وغيرى هدمك لو مش عايزة تنزلى بالهدوم دى.. وبعد كده اخذك ونروح نبلخ البوليس.. وهما هياخذوا حقت ويمكن يرجعوك العربية والحاجة..

بصتلى وهى مترددة..

لا يا آدم بلاش أنا خايفة

ضحكت ضحكة تخفف عليها وقولت لها :

أنا قولت إنتا هيلة مصدقتينيش

خايفة من إيه أنا معاكى

وعلى فكرة اتمنى أنا كمان اتخطف ولا أتسرق بكره عشان تاخدينى فى

حضانك

ضحكت ووشها حمر وضربتنى على كتفى وقالتلى :

مش هتبطل قلة ادب احنا فى إيه ولا إيه ؟

طب يلا ياختى عشان نروح بسرعة وترجعى ترتاحى وتنامى..

من اليوم ده والخوف دخل قلبها وبقت محتاجانى علطول

ولما وصلنا تحت بيتها :

- يلا يانور بسرعة مستنيكى

- إنتا هتسيبنى اطلع لوحدى ؟!

- أنا عمري ما طلعت معاكى

- أنا خايفة

- طب اعمل إيه

-تعالى اقللى على الباب حتى لغاية ما اغير بسرعة

- طب ما إنتا يابابا هترجعى تقعدى لوحدك، ما أنا مش هينفع ابات معاكى

- هتصرف.. يلا بقى علشان خاطرى

-ماشى

كنت متقبل احتياجها الدائم ليا ده فى الاول وكنت مبسوط بيه كمان بس

بعد شوية زهقت من التقييد ورجعت لطبيعتى تانى لا بهتم ولا بين حبنى..

ومن هنا بدأت المشاكل

الكبيرة.. اللي كانت فعلا بنهدد علاقتنا.

فى نفس الفترة اللي كان البوليس الايطالى بيدور على اللي عملوا كده

ويحاولوا يتتبعوا العربية والموبايل.

- وبعد اسبوعين من البحث ثم استدعائنا عشان نور تتعرف على الجناه،
وتستلم العربية بس

من غير اي محتويات.

- واحنا في المكتب دخلوا المشتبه فيهم عشان نور تتعرف على (عنيهم) بس
عشان هما كانوا مش مبينين غير عنيهم

- وأول ما الباب خبط ودخلوا.. كانت المفاجأة..

وبعد ما نور ركزت شوية في اشكالهم , قمت ونادمت عليها :

نور ممكن لحظة بره

استغربت.. وخرجنا :

نور أنا خدتك بره المكتب دلوقت عشان اقولك إن واحد من الاثنين دول
صاحبي ومعرفة قديمة وممكن يكون عمل كده غصب عنه.. اتعرفي على
التاني الاسود انما الابيض ده اللي من اليمين لو ليا خاطر عندك.. قولي إن مش
هو ومكانش معاه.

- إنتا إيه اللي إنتا بتقوله ده وتعرفه منين.. وحتى لو أنا قولت كده اللي
معاه هيعترف عليه..

واحنا بنتناقش بانفعال خرج الطابط عشان يشوفنا..

عمري ما كنت اتخيل كمال اللي ضحكته كانت تطيب مصايب أنه يعمل
كده.. طب ليه ؟!

حسيته بيداري مني من كسوفه أو من زعله مني. اني موفتش بوعدني
وسألت عنه.

- وفعلا نور اتعرفت على اللي كان معاه بس والغريب أنه متكلمش ولا دافع
عن نفسه ولا انكر ولا اعترف على صاحبه.

- بس حسيت إن الطابط شك في حاجة وقعد يسأل.. مش هما كانوا اثنين؟
طب خرجتوا بره الاوضه ليه..

- وبعد نقاش طويل ورد على اسئلة استلمت نور العربية ومشينا
- وانا ماشي سبت رقم تليفوني لكمال وحطيته في جيبه من غير ما حد ياخذ باله..
- أول ما خرجنا.. وابتديت في موال ثاني خالص مع نور وعياط متواصل..
- نور : إنتا إزاي تطلب مني طلب زي ده، أنا كل ما أشوف عنيهم افكر ضربوني ازاي وعملوا فيا إيه.. وانت بعد ده كله بتقولي متعرفش عليه، وهيطلع ويكل سهولة ده بدل ما تجيلي حقي..
- أنا : إنتا مش فاهمة حاجة..
- نور : نفسي أفهم.. وواضح إن في حاجات كتير اوي أنا مش فاهماها ومش عارفاها.
- أنا : كمال ده اتعرفت عليه أول حياتي هنا وساعدني كتير اوي وأنا ربنا لما فتح عليا سبت السكن والشغل اللي كان معاه ووعدته أن مسأل عليه.. ومعملتش كده
- وواضح إن حالته المادية اتدهورت اوي ووقع في ايد حد من المافيا أو اي عصابه أو عمل كده لما كان محتاج فلوس..
- عشان خاطري سبيني افهم منه.. لما اقبله.
- نور : إنتا كمان عايز تقابله.
- أنا : في إيه يانور بقولك كان صاحبي (بعصية)
- نور : مفيش حاجة.. أنا ماشية
- أنا : براحتك.. سلام
- وقعدنا ٣ أيام منتكلمش وكل واحد مستني الثاني يكلمه..
- وبعدها كلمتني واتصالحنا.. وبدأت احاول مفتحش الموضوع ده ثاني لغاية ما اقبله وافهم..
- وبعد اسبوع من موضوع كمال..وبعد ما فقدت الامل إنه يتصل..
- اتصل بيا واتفقنا نتقابل..

- كان في حاجات كثير أوي متناقضة جوايا واحشني مع اني مصدوم فيه، زعلان من نفسي إن الايام خدتني كده مع أني مش قادر اسامحه على اللي عمله في نور.. كنت مُرتبك أوي وأنا رايح اقابله وعایل هم المشاكل اللي هتحصل مع خطيبي لما تعرف أني قابلته..
- أول ماشافني خدني بالحضن وقالني شكرا يا صاحبي.. بس أنا مكنتش عارف انطق بأي كلمة.
- قعدنا.. وأول كلمة قولتها وأنا بحرك في الدبلة اللي في ايدي..
- كنت فاكرك أنك مش هتكلمني لما اتأخرت.
- كمال : لا أنا قعدت يومين في الحجز عشان أخرج وبعد كده كنت خايف أحسن
- اكون مترقب.
- طب خدت بالك وإننا جاي ؟
- أه متقلقش.
- عملت كده ليه.
- هي مين دي في الاول طيب.؟
- رديت عليه بعد كام ثانية وأنا ببصله بلوم :
- خطيبي.
- طلعت منه تنهيده.. وقالني :
- أنا أسف يا صاحبي.. أنا حالي بعد ما إننا مشيت بشوية اتدهور أوي ومكنتش لاقى أكل وفي ظروفي دي وقعت في ايد مافيا واتجرجت رجلي ولو كنت رفضت كانوا موتوني.
- مش عارف أقولك أيه بجد.. مش عارف اسامحك إزاي.
- والله العظيم ما عرف أي حاجة ولا أنها خطيبتك.
- طب والعمل..؟
- لو سبتهم هيموتوني وفي نفس الوقت أنا مش مرتاح، حتي فلوسهم الكثيره

مش مبسوط بيها وأنا كل يوم أسرق وأضرب وبعد كده هيقولولي أقتل..
ويخلوني

أبيع مخدرات ساعات.

رديت عليه بجدية وبحماس :

- أنا هاجبك شغلانة وهتقعد معايا في بيتي لغاية ما ربنا يفرجها، وإننا
أختفي خالص من عندهم ولو وصلوك قولهم أنك متراقب عشان الطابط
شاكك فيك..

بس استني..إننا إزاي اللي كان معاك سابك تخرج ومعترفش عليك ! ؟
- بصلي وابتسم وقالي : أصل من مبادئهم إن اللي يعترف على حد أو يدل
البوليس على حد مننا يتقتل.

- (ضحكت من الكلام) مبادئ !! حتي دول ليهم مبادئ.

- كمال : أكثر مننا.

- طب هتيجي معايا ولا ناوي تكمل في اللي إننا فيه.

- أنا خايف..

مش هيسيبوني في حالي وممكن تيجي إننا كما في الرجلين.

-- مبقتش أخاف من حاجة يا صاحبي.. خرابانه خرابانه.

- كمال : طب وخطيبتك؟

- هي دي المشكلة كلها.. وهنا مقدرش اقولك مبخافش ضحكنا أحنا الاتنين

بصوت عالي كنت مفتقده جدا.. أول مرة أخذ بالي أن احنا ممكن نفتقد

حاجات كتير بس مناخدش بالننا منها، ولا حتي أن احنا مفتقدينها.

- طب هتعمل إيه؟

- مش هجيلها سيرة لغاية ما اجبهالها براحة، ومن بكره هكلملك ناس تجبلك

شغل حلو.. وأنسي حياتك اللي فاتت.

- أنا هنسأها بس يارب هي اللي تنساني.

- متخافش يا صاحبي كل حاجة ليها حل.

- خدته معايا البيت.. وهو كل شوية يبص وراه في مراية العربية خايف ليكون حد مراقبنا.. وكل مرة يعمل فيها الحركة ده الخوف بيدخل جوايا بس احاول أهزر وأقوله.. أياه ياعم جو الأفلام ده..
- ونضحك أحنا الاتنين من ورا قلبنا.. ونسكت.
- وصلنا البيت وقلقه كان موترني جداً..
- دي أوضتك ياعم خد راحتك وبالليل هكلمك واحد معرفة يجبلك شغل.
- حط أيده على كتفي وبصلي وقالني :
- اللي بتعمله معايا ده كتير أوي يا صاحبي.. مش عارف أقولك أيه.
- متقولش أي حاجة أنا اللي هقولك لو معاك موبايل أرميه عشان منرحش في داهية.
- ومن الكلام الجد اتقلبت كل حاجة هزاز، هو كان بيهزر بس أنا كنت بتكلم بجد.. محدش ضامن بقى.
- خدت مفاتيحي و فتحت الباب ونادمت عليه :
- بقولك أيه الاكل عندك في التلاجة وخذ راحتك على الاخر أنا عندي شغل ورايح لخطيبيتي ، وفي الدرج بناع التلفزيون هتلاقي موبايل قديم بخط عليه رقمي لو عوزت حاجة رنلي.. سلااام.

- يانور خلصتي ؟ أنا تحت أنزلي عشان عندي شغل ومستعجل.
- ماشي أنا نازلة.
- وقفت أدخن بره العربية شوية عقبال ماهي تنزل ودي مكانتش عادي في الأيام العادية الا لما أبقى متوتر أهما الأيام دي الموضوع زاد معايا أوي مش بس ده..
- نزلت وهي رافعة حاجبها اليمين وبتقولي أياه ده مالك ؟! مش عوايدك في

- حاجة مدايقاك ؟
- ضحكت وقولتها : لا ده إنتا هتخليني أدمن مخدرات بعد كده.
 - ضربتني على كتفي وهي بتضحك وبتقولي :
 - ماشي ياسخيف بس مالك بجد ؟
 - مفيش ولا أي حاجة مزاج مش أكثر.
 - قاطعتنى بسرعة :
 - طب بقولك أيه ؟
 - أنا بقلق من الجملة دي.
 - لا بجد.
 - قولي..
 - هات باسورد الفيس بتاعك.
 - تظاهرت بانشغالي بالطريق من كتر الصدمة ،الصراحة هي او خدت
الباسورد دلوقت. احتمال ترمي الدبلة في وشي.
 - آدم.. رد عليا أنا بكلمك.
 - عايزاه ليه..
 - وإنتا مش عايزني أخده ليه؟ عادي مفيش فرق بينا.
 - لا مش كده مستغرب بس وبعدين مباحش الموضوع ده.. سيبيلي حبة
مساحة كل واحد حر.
 - بصتلي بترفة : إنتا خايف من أيه؟؟
 - وأخاف ليه. (بكل بروود)
 - مش عارفة.. أنا قولتلك قبل كده الباسورد بتاع كل حاجة.
 - وأنا محفظتهوش ومش هعمل كده
 - عارف..
 - نفسي أحس أن إنتا شريك حياتي أو أنك بتشاركني في أي حاجة ..
 - لسه حاسة أن أنا عادية أوي بالنسبالك مجرد إن أنا بشغل مكان مش أكثر

ولما ردى كان سكوت اتترفزت وقالتهلى : نزلنى هنا يا آدم دلوقت حالا
- طب أوصلك مش هينفع انزلك هنا وخلص بقي عشان أنا مخنوق.
- سكتنا باقي الطريق وأنا عارف أن بيدور في دماغها أن الطبع عمره ما
هيتغير.. أبدا.

(٦) عم آدم

- طب إنتا قطعت علاقتك خالص بسيف وأهلك ولا أيه؟
- مقدرش.. سيف كنت متابعه حتي لما بنقعد شهور منتكلمش أو حتي كل اللي ما بينا مسجات بنزج نعرف كل حاجة عن بعض آه مش زي الاول..
- بس عمري ما هقطع علاقتي بيه... مينفعش
- في الفترة دي خطب البنت اللي بيحبها واتجوزوا بعدها بسنتين وقعد في القاهرة وشنطتي أخويا راح جابها لما جه ينقل لبيته.
- طب واهلك؟
- كنت بكلمهم.. بس بردوا مش كتير بس كنت بكلم أخويا الكبير داها بس مكنتش بقدر احكيه على كل حاجة وكنت بعرف اخبارهم كلهم منه وابويا كنت كل ما يكلمني يقولي جملتين :
- مش كفاية بقي ؟ ومش هنخطبك ؟
- ولما خطبت ادايق أوي أني مش في وسطهم.
- واللي عمري ماكلمتها من ساعة ما مشيت مراته.. مع أنه كان بيقول أنها بتسأل عليا، بس السنين مقدرتش تحن قلبي أو تنسيه.
- على : ومريم ؟
- بتسأل اسئلة صعبة إنتا..
- لغاية قبل ما إجي بفترة بسيطة كنت داها أسأل عليها وأعرف أخبارها من سيف.. اتجوزت وخلفت بس بردوا لسه بسأل عليها... هقول أيه بقي غبي..
- طب ونور وكمال ؟
- نور.. هحكلك دلوقت إيه اللي حصل.
- وكمال.. كان سبب أني أرجع بعد السنين دي كلها.

(٧) آدم

- ادينا يومين مبهتكلمش كل ده عشان هي شاكة فيا وعايزة باسورد الفيس بوك.. وأنا مش هدهولها..
- كمال بصلي وضحك وبلوؤم سألني ليه؟
- أيه هو اللي ليه !
- أنا أحب أبقي براحتي وبعدين أنا ساعات بكلم بنات صحابي وهي بقي هتقعد تحاسبني على الكلمة.
- وأحنا بنتكلم لقينا الجرس بيرن وكعادة كمال من ساعة ماجه اتخض أول ما سمع الجرس فتحت الباب وأنا بهزر معاه.. لقيت نور قدامي مبتسمة.
- بس أول ما دخلت وشافته.. بصتلي وقالتلي أنا فعلا غلطانة، أنا كنت جاية أصالحك بس الظاهر أن مفيش فايده ونزلت بسرعة .. وأنا معرفتش أعمل أيه واقف متنح وحاطط أيدي على رأسي.
- إنتا واقف كده ليه أنزل وراها بسرعة
- نزلت أجري على السلم يانور.. يانور طب استني نتفاهم.. لحقتها قبل ماتمشي بالعربية.. وركبت جمبها.
- مدتنيش فرصة اتكلم ولا كلمة بس قالتي كلام صعب أوي وهي بتعيط..
- آدم ديلتك أهني.. وده مش عشان اللي فوق بس لا ده أخف سبب فيهم.
- أنا تعبت إنتا واخذ طاقتي كلها عشان أرضيك وتعاملني كأني شريكك في حياتك بجد ومفيش فايده يوم حلو و١٠٠ وحش.. وحش أوي.
- أوعي تكون فاكر أنني مش عارفة أنك.. بتفضيها مع بنات كثير وأنتك مخبي عليا حاجات كثير أوي بس كنت بقول معلش نستحمل وكله يجي بالوقت.
- أصعب حاجة على البنات أنها تشوف نفسها بتحب حد أقصى طموحها معاه

أنه يبقى كويس معاها.. أنا مستاهلش كده ابدا كان المفروض أسمع كلام
خوفي في الاول بس.. غبية.. انزل يا آدم.. عايزة أمشي.

- قبل مانزل سبت الدبلة بتاعتي ومشيت من غير ولا كلمة.. معرفش ليه
محاولتش اتمسك بيها.. معرفش ليه بعمل كده.. مع أن الخسران الوحيد
أنا.. أنا بس.

قعدت على الكنبة اللي قدام العمارة شوية قبل ما أطلع.. مكنتش حاسس
بأى لا حاجة أو كنت مش متخيل أن الحكاية تنتهي بنفس السرعة اللي
عرفنا فيها بعض.

كمال خبط على كتفي وقالي :

- أطلع متقعدش لوحدك.. طلعت معاه ومتكلمتش في أي حاجة وقولته
أجهز عشان بكره عندك كذا مقابلة رد عليا بحماس وقالي :
أنا جاهز.

- ضحكت.. ضحكت على الدنيا اللي كل يوم فيها بيودينا في حنة شكل..
ويورينا حاجة مختلفة.

بقي ورايا حاجات كثير أوي وحكايات كثير أوي بتوجع..

- اتحججت بالشغل ونزلت.. نزلت اشم هوا.. أتنفس.. في اللحظة دي فكرت
أرجع.. أهرب بس كانت في حاجات كثير أوي بترجعني لورا.

- وبعد شهور وأنا متأكد أنها كانت مستنياني أرجع أو اتمسك بس أنا كسفتها..
كسفتها قدام نفسها.

- كنت كل ما أجي أفكر في الموضوع.. أهرب وأشغل نفسي بأي حاجة
تشغلني عن خسارتي عن حدودي اللي بعيدها بغبائي بدل. ما أتعلم منها.. عن

قلبي اللي كل يوم يكسر حد

- بس خدت العقاب مضاعف.....

(الفصل السادس)

**(كل حكاية من الماضي نريد تناسيها تقتل قلوبنا
كل يوم.. حتي لو أنها مجرد ماضي)**

(١) آدم

- (النهارده عيد ميلادي.. يوم عادي جدا بالنسبالي متفرقش كثير. وأنا راجع من الشغل كمال كلمني)
- ألو...
 - أيوة يابني فينك.
 - أنا خلصت وجاي.
 - طيب عشان جعان وماليش نفس أكل لوحدي.
 - ماشي أنا نص ساعة وأوصل جهاز اللي هنطفحه..
 - ضحكنا وقفلنا السكة.
 - وصلت وركنت العربية وحاسس إني في حركة مش عادية في العمارة ولما وصلت الناس بتجري على فوق.. أنا مش فاهم حاجة.. طلعت واكتشفت أن الناس دي ملمومة في شقتي..
 - في أيه... في أيه دخلت وسط الناس وأنا بزقهم وعايز أعدي وشوفت المنظر اللي عمري ما تخيلت أنه هيجصل..
 - كمال.. مالك.. فيك أيه..
 - الناس بتحوشني عشان البصمات وهو كله دم جسمه متخرم..
 - الشقة مليانة بلونات وكل سنة وإنتا طيب يا صاحبي بالزينة على الحيطه وتورته على البار..وأنا مش فاهم أي حاجه
 - عرفت يا صاحبي أن إنتا مكنتش عايزني عشان الاكل..
 - البوليس والاسعاف وصلت.. وأنا تايه.. مش عارف أعمل أيه ولا أقول أيه

افتكرت وأنا بتريق عليه وهو بيتحسب لكل حركة خايف منهم ليعرفوا مكاننا وموتوه..

- افتكرته وهو كل يوم بيتأسفلي على اللي عمله مع خطيبي ويشكرني على اللي أنا عملته وافتكرت لما حطيت الدبلة في أيدي تاني عشان ميعرفش أن أنا سبت نور بسببه وبعدها بفترة اتحججتله بحجة وقولتله أننا سبنا بعض وبردده كان حاسس بالذنب..

- افتكرت ضحكته وحكاويه.. حياتي كلها بتعدي قصادي وهما بيحطوه في عربية الاسعاف متغطي وشه.

- قد أيه أحنا بنفضل طول عمرنا خايفين شايلين هم بكرة.. الايام يتسرق منا فرحتنا بانشغالنا بيكرة.. قد أيه أحنا أغبياء.. قد أيه بنجري ورا سراب..

- محتاج بيتي محتاج صحابي محتاج بلدي كل اللي أحنا فيه ده مخدناش منه حاجة.. ده خد منا حاجات.. قعدت فترة أعيط بالدموع على السلم زي العيال. عمري ماتخيلت أشوفه كده عمري ما توقعت أنها توصل لكده..

- رحى الشرطة عشان يحققوا معايا وياخدوا أقوالي.. وبيتي كان عبارة عن مكان إقامة للجرايد والبوليس.. من اليوم ده محستش بأمان تاني ومش قادر

أدخل البيت اللي اتقتل فيه صاحبي . فضلت شوية قاعد في أوتيل ومنقطع عن الشغل ومبردش على حد.. وشعري ودقني طولوا أوي كنت كل اللي بعمله أي بحرق في سجائر وأنزل امشي في الشارع بدون هدف.. وبردوا وأنا خايف..

- وقررت أني أمشي أو أهرب زي عادتي بس استنيت لما دفنته.. مكانش ينفع اسيبه وهو مالوش حد.. مكانش ينفع اسيبه تاني زي ما عملت من كام سنه.. مكنتش ينفع اسيبه وهو الحاجة الكويسة الوحيدة اللي عملتها في الاخر.. أنا حتي مبهقتش عارف أنا أفادته ولا أذيته.

- لو كنت سبته كان هيعيش ميت وسطيهم ولما جه معايا مات..

- من اليوم ده اتحولت بقيت حد تاني خالص كرهت غربتي وكرهت غباني

وكرهت عيد ميلادي..

- قدمت استقالتي وبعثت العربية وسلمت الشقة لصاحبها وخذت حاجتي..
وحاجة صاحبي معايا مكانش ينفع اسيبها.. وهدية عيد ميلادي اللي كان
سيبهالي على سريري.. وسيبلي جواها جواب مكتوب فيه :

« أول لما بيقى معايا فلوس وأشتغل هجبلك هدية تانية غير الساعة دي..
الساعة دي بتاعتي مفيش أغلي منها اديها لك. شكرا على اللي إننا عملته
معايا أنا معرفش هردلك ده إزاي.. إننا أجدع صاحب أنا شفته في حياتي
يا آدم.. كل سنة وإننا طيب يا صاحبي.. كل سنة وإننا غالي»

كمال

وأنا بقراه للمرة العشرين وأنا عيني كلها دموع قاطعني نداء أن طيارتي
هتتحرك بعد نص ساعة همشي.. همشي ومش هبص ورايا همشي وهحاول
افتكر الحلو بس من الـ ٨ سنين دول.

- ٨ سنين بس خلوني كأني عندي ٦٠ سنة..

- كنت عاملها مفاجأة لأهلي مقولتلهمش.. وحشوني أوي مش هكدب..
مفتقد حتي خناقاتنا..

- اللمة نعمة حتي لو كانت فيها حاجات تدايق

- أحساس غريب حسيته والطيارة طالعة من إيطاليا.. واحساس اغرب
بالونس أول ما شوفت من فوق الاهرامات وترابها.. ترابها اللي عمر ما حد
هيعرف قيمته غير لما يسيبه.. مصر اللي أول ما شميت ريحة هواها بكيت..
- الطريق كله من إيطاليا لمصر بفكر في اللي هعمله واللي هلقاه ورد فعل
صحابي وأهلي لما يشوفوني..

- قعدت كل ده ازاي.. ازاي قسيت قلبي كل ده...
 - كنت هريان من أيه ومن مين ولين؟؟ كنت بحلم بايه وأنا ماشي كنت
 فاكر أيه.. رايح جنة؟
 - ضحكت، ضحكت على نفسي.... ولسه هنعلم.
 - سيف
 - مين..؟
 - مش عارفني يا حيوان
 - معلش حضرتك اللى طالب عايز إيه.. كام ثانية وقالى بصوت على.. آدم؟؟!!
 ضحكت جامد
 - إنتا بتشتغلنى يا عم ولا إيه إنتا بتتكلم منين
 - من بلادنا العزيزة
 - طب احلف كده
 - والله العظيم
 - إنتا فين يا كلب هجيبك دلوقت حالا (صوته بيرقص)
 - أنا في المطار مستنيك
 - ساعه بالكثير وهبقى عندك مسافة الطريق بس
 - ماشي يا صاحبي..

- إيه ياد مش عارفني ولا إيه شكلك اتغير أوى إنتا كمان
 بصلى و دمع و خدنى بالحضن
 يا صاحبي.. يا صاحبي كنت حاسس إنك مش هترجع تاني يا آدم مفتقدك أوى
 يا صاحبي
 دمعت أنا كمان.. وفضلنا حاضنين بعض كثير أوى..
 خد الشنط وقالى تعالى اوريك عربيتى واوريك شقتى وابنى.. ابنى يا آدم

واسمه آدم

بس في الشهادة بس..

تنادية قدام امه باسم على عشان حوار الاسم ده اتعمل عليه خناقة

ورسينا على الحل ده

فعد يحكيلى في الطريق هو احواله إيه وعمل إيه في الفترة دي ومراته اللى أنا عارفها ، (حبهم كان على ايدى) وابنه وشغله كأنه كان جعان كلام معايا وفي وسط كلامه بصلي وضحك وقالى معلش صدعتك أنا بس مش مصدق لغاية دلوقت أنك قدامي..وكمل :

احكيلى أيه المفأجة دي وأبه اللي خلاك تيجي مرة واحدة.. شكلك مش مريحني أنا حافظك.

- بصتله وطببته على كتفه وقولتله :

- هقولك كل حاجة يا صاحبي بس إنتا دلوقت توصلني لأي فندق قريب منك وهقابلك بالليل أكون ريحت وإننا كمان تريح.. عشان هنزل أجيب شوية هدايا لأدم.. قصدي على بصينا لبعض وضحكنا ، ولليبت كمان عشان ملحقتش أجيب وأحكلك كل حاجة..

- سيف : لا فندق أيه إنتا بتهزر وأنا بيتي راح فين ولا نسيت أيام زمان يا كلب.

- أنا : معلش يا صاحبي أعمل زي ماقولتك وريحني إنتا مش عازب زي الاول ويعدين هي ليلة وهمشي عشان عايز أشوفهم وهبقي أرجعلك أكيد وعشان أشوف آدم لو ملحقتش اشوفه النهارده.

- سيف : براحتك.. أنا عارف دماغك الجزمة هوديك فندق في وسط البلد.

- بصيت من الشباك بتركيز وقولتله :

- القاهرة اتغيرت أوي ياد يا سيف هو أنا بقالي ٢٠ سنة ولا أيه ؟

- سيف : دي بتتغير كل سنة يا بني وإننا بقالك ٨ سنين يا مفتري.

- واحنا بنتكلم خدت بالي من الاغنية اللي شغالة في الراديو وقعدت اضحك

وكان البرنامج مشغلهالي

- (مسافر وفاكر هترتاح هناك وتاخذ صحابك وأوضتك معاك؟! هينفع
تسيب اللي حبك وراك؟! دا فيكي يابلدي اللي مش عند حد , دفا وسط
عيلة ومشاعر بجد , هتتعب تلاقي اللي ياخذك في حضنه.. دا فيكي الطيابه
اللي فوق كل حد.

ضحكت وأنا بسمعها وقولته إيه ده مش عدويه ده ؟
آه هو..غمزلى وابتسم

نزلنا بالليل اشترى هدايا وقعدنا في كافية على الشارع نرتاح شوية وكنت
حكته كل حاجة حصلت في الفترة الأخيرة وسبب رجوعي و فشككت
خطوبتي..

- سيف ; كل ده حصل في الفترة دي ! ومتصلتش بيا ليه يابني ولما كنت
بكلمك شات مكنتش بتقولي أي حاجة ليه ؟
- كنت هشرحلك أيه ولا أيه أنا عايز أنسي.

- سيف : هتنسي زي كل اللي عدا
- عارف يا سيف اكتشفت أن كل حكاية وراها سر.. كل وجع وراه سر
مبيتقالش.

- كل كلمة (نسيت خلاص) وراها قبضت قلب ووجع..عشان الكلمة دي
بس بتفكر.

- سيف إننا رجعت وده قرار صح جدا كنت بتصلح بيه قرار السفر اللي كان
غلط من البداية.. ابدأ من جديد.

- مش سهل بس هبدأ من جديد.. هعيش قبل ما باقي شبابي يضيع كفاية
اللي راح

في ولا حاجة.

- هتعمل أيه ؟
- هقعدي في البلد شوية مفتقد اللمة وراحة البال.. وهرجع استقر هنا واشتغل واعيـش.. هفرح يا صاحبي وهبطل غباء.. هرضا
- بصلي وضحك وقالى :
- اخيراا بس سييك.. مش ناوي تتجوز ياغس؟؟
- أنا : أيه ياد هو ده سر السعادة بالنسبالك
- بص مش عايز اجرح حد تاني معايا مش هرتب حاجة.. بس هعيش.
- اتصدعت من الزحمة وصوت العربيات بصيت في الساعة وقولتله :
- يلا بقي خف كلام وقوم عشان اسلم على آدم قبل ما أمشي.
- سيف : ضحك وغمزلي وقالى مش هفكرك أن قدام مراتي اسمه على متخليـنـيش اجى ابيت معاك النهارده، وبعدين لسه بدري خـلـينا قاعدين مشبعتش منك.
- أنا : معلش هصحي بدري بكره لازم أسافر.

(تاني يوم)

- دخلت البلد الشوارع اتغيرت والبيوت اتغيرت والاطفال كبرت والشباب شاخت... كل ده من ٨ سنين , عندي أحساس أني نفسي أحضن أي حاجة تقابلني..
- من كتر ما شكل بيتنا اتغير كنت هكمل بعده
- كنت راكب تاكسي ولابس كاب ونضارة عشان محدش يعطلني.. نفسي أشوفهم.
- بس هنا ياريس.. بس أرجع كام خطوة لورا بس كده تمام.. شكرا
- وحشتيني وحشتيني أوي يابت كبرتي أوي أيه ده.. كفاية عياط بقي ياريم بليتي القميص وبعدين إننا هتفضلي مشعلقة في رقبتى كده إننا كبرتي..
- بصتلي وهي بتعيط من الفرحة ومسكتني من ايدي وطلعتني فوق وهي

بتجري.

طلعنا واحنا بناخد نفسنا بالعافية ملقتش أول ما دخلت الا أبويا قاعد على الكنبه وأول ما ملحني بصلي بصة عمري ما شوفتها منه قبل كده عينه قالت كل حاجة، جريت عليه وبوست أيده وخدني في حضنه، قد أيه اللي أنا شفته كان محتاج الحضن ده

- أنا مبسوط أول مرة ادمع من الفرحة...

- اخويا الكبير كان مسافر شغل واخويا الصغير في الجامعة..

- بابا : إنتا ازاي اتغيرت كده خاسس أوي وشكلك اتغير، ومالك مطول شعرك ودقنك

ليه أوي كده !!؟

- حطيت أيدي على دفتي وشعري وقولتله عندك حق هحلقهم بس ملحقتش هناك معلش ، كنت عايز أجي بسرعة....

- بابا : إنتا كويس ؟

- أنا : أنا زي الفل....

- قضيت وسطهم شهر ٣٠ يوم كان طعمهم مختلف عن حياتي كلها.. وبعد كده اقنعتهم اني لازم استقر في القاهرة عشان الشغل واني هشتغل في شركة محترمة وهاجي عن طول في الاجازات اشوفهم واقعد يومين وارجع..
- كانوا مضايقين بس أخويا طلب مني ابقي جنبه في تجهيزات فرحه.. اخر الصيف.

- وقبل ما أمشي بصيت في شنطتي اللي رتبته من ٨ سنين وأنا مسافر للاحلام والهروب، كنت بحلم بحياة جديدة وبهرب من ياس بس اكتشفت أن الحياة الجديدة مش هتبقي غير قرار مني والياس جوايا أنا مش حواليا.
- سبت الشنطة زي ماهي.. مقاساتي اختلفت زوقي اختلف.. كل حاجة اختلفت حتي أنا..

- سافرت وقدمت. في كذا شركة وأجرت شقة قريبة من سيف وبدأت حياتي تستقر وترتاح.. وكنت فرحان بالخييا الكبير أوي في فرحه.. كنت حاسس أني أنا اللي كبير مش هو.
- اشتغلت في شركة مقاولات كويسة واخواتي بيجولي من وقت للتاني وأنا بروح في الاجازات.

(٢) عم آدم

- امال ليه إنتا لوحدك دلوقت ؟
-ابويا بعدها بشوية اتوفي واخواتي اتجوزوا وكل واحد اتشغل بحياته في بلد شكل.

- طب وإنتا بردوا متجوزتش ليه.

- أنا اخترت أني بدل ما اعزب حد معايا أو اتعبه بطبعي اعيش لوحدني مع أني حاولت كثير أني استقر مع واحدة واتجوز زي باقي الناس.. بس كنت دايما بفتكر اللي حصل واللي هيجصل.. كل واحد عارف عقده.. ولو مش عارفها بيكتشفها ويعرفها.. كل اللي عليه وقتها أنه ميطلعهاش على الناس مياأيش حد بيحبه.. حتي لو مش قاصد وأن هو شخصيته كده.. لو عيبك مش هتستعمله واحدة... يا تصلح من نفسك يا متتعش حد معاك.

- بالسهولة دي ؟!

- لا كانت في حاجات كثير أوي نقصاني بس كنت مبسوط.. كنت مرتاح.. اتصالحت مع نفسي ودي اهم حاجة.. مش هتجوز.. واري ابني نفس تربيتي مش هطلع حد اناني كده تاني، مش هطلع عقدي على حد. أنا مرتاح..
- أنا متأكد أني هموت وأنا لوحدني بس ده مش أوحش من أني أعيش وأنا سايب جرح في حد عمره ما هيخف.

- ابوك كان اخويا وصاحبي وعشرة عمر ووصاني عليك..مش هسيبك تحلم حلم مش قده.. مش هسيبك تمشي وتسيب كل حاجة وراك هتقعده هنا جمب امك واخترك اللي محتاجين راجل جمبهم يستدهم بعد اللي حصل.. وموت ابوك فجأة.. متكسرهمش أكثر وأكثر

- إنتا (على سيف) واسمك في البطاقة (آدم سيف) على اسمي.. احنا بس

اللي اتأخذنا من بعض..

- مش هسيك تحل ظروفك النفسية بهروب زي ما أنا عملت.. فإكر أنك هترتاح وتعيش عيشة نظيفة وتغرف فلوس.. لا الحقيقة اللي محدش بيواجه نفسه بيها إن اي مليم بيدخل جيبك في الغربة قصاده شبابك قصاده تعبك قصاده غربتك.. قصاد نفسيتك في الاعياد والمواسم , قصاد وقت تعبك اللي بتحص فيه أنك لوحدك.. لوحدك بجد قصاد أنك لما تفوق وترجع أو تتعب وترجع بتبقي خسرت حاجات كتير أوي.

- احنا بلدنا فيها بطالة وفيها كوسة وفيها تعليم غلط وفيها مشاكل كتير أوي بس فيها امان وأهل وصحاب ودفا فيها شبابك اللي إنتا عايز تخسره... فها حاجات حلوة.. بس اتعب شوية حاول شوية..

- متسبش سنينك ياكلها الجراد.. متسبش الخوف يدفعك للهروب..

- السنين التي اكلها الجراد ده مش مجرد تشبيه لحياتي دي حقيقة..

- بنسيب الجراد يأكل أماننا واحنا مش مبسوطين وأحنا بنضيع وقت في كلية مبنجهاش في شغلانة مبنجهاش في قعدة أنا مجبور عليها في علاقة موتراك في غربة كل حجتها الفلوس والعيشة النظيفة بنسيب الجراد يأكلنا من جوة وأحنا بنصبرنفسنا من بره بأي حجج.. ونفوق متأخر..

- احنا أغبياء.. حب وعيش واستمتع بكل حاجة حواليك.... متضيعش حاجة غالية من ايدك.. متخافش

أنا بتكلم وشايف حواليا الناس بتقوم وييلموا الكراسي ويخففوا النور تمهدا للناس إنهم يمشوا وبعد شويه :

قاطعنا القهوجي وأنا بدمع وعلي بيصلي باقتناع.. وهو يقول :

- أيه ياباشا احنا هنقفل مش هتحاسب على مشاريك..

بصيت عليه وأنا عامل نفسي حاجة طرفت عنيا... وشاورت لعلي يقوم وأنا متغاضب أنه قاطعنا في لحظة مهمة كده وقولتله بابتسامه خبيثة :

(طبعا كله في النهاية لازم يحاسب على مشاريبه.)

وضحكت , ضحكت ضحكة تعني الكثير..
-- واحنا طالعين والراجل بيظفي نور اليافطة عيها اسم : (قهوة حياة)

تمت

٢٠١٦/٧/٢٨

شكر خاص لابيونا وامى اللى دايما تعباهم معايا ورجالتي اخواتي الاتنين اللى مليش غيرهم..ربنا
يخليكوا ليا كلكم

لو العمل عجبكوا تابعونى على صفحتى الشخصية على الفيس بوك verena safwat

لا مبيدوسا

كلنا بنخاف يا بابا... اه كلنا بنخاف دي حقيقة يؤسفنى
اقولها لك بصرف النظر عن اعمارنا وعن شخصياتنا ...
ومهما عملنا مش خايفين ومبيفرقش معانا حاجة،
بنخاف من حاجات كتير اوى بنخاف نواجه لنتهز وبنان
ضعاف، بنخاف نجرب وبنخاف نتعلم، بنخاف نحب لنتوجع
ونخاف منحبش لنضيع احد ميتعوضش، بنخاف من
بكره ومن امبارح وبنخاف من الذكرى لتوجعنا ، وبنخاف
نفرح ، بنخاف من الواقع وبنخاف نحلم، بنخاف نتعلق
بزيادة وبنخاف من الموت ، بنخاف من الوقت ... احنا اصلا،
بنخاف من خوفنا وكل خوف بيوجع اكثر من اللى قبله...
مش عايز ابص ورايا ، الاقيني قضيت حياتى كلها خوف،
«عجرت» ولسه خايف

فريقنا صفوت بشرى الفار

20 سنة من مواليد محافظة المنيا
تدرس فى كلية التربية - جامعة المنيا
تعتبر لامبيدوسا اول رواياتها
كما كتبت عدد من المقالات



تصميم الغلاف : محمد عبد السلام

